


GOBANENG BETHLEHEM

O MONNYANE

 Go bose go ba fa mosong wo. Gomme bjale ke a dumela re ya go ba le ya go ikgetha, Ngwanešu Williams o be a mpotša, ka yo mongwe go tšwa kerekeng ya gagwe. [Kgaetšedi o a opela, *Tlatša Komiki Ya Ka, Morena—Mor.*] Ke seo re le go mo ka sona mosong wo, go phagamiša dikomiki tša rena, “E tlatše, Morena.” Ye ke nako e nnoši re ka bago le sebakabotse go kgopela se. Go tla tla nako moo re tla bago ka lehlakoreng le lengwe gomme nako yeo re se be le sebakabotse seo. Kafao ge re sa ne naso, le ka menaganong ya rena ya maleba, ke a nagana e tee ya dilo tša tlaologanyo tšeo mang le mang a ka kgona go se dira ge Modimo a sa re file sebakabotse go dira bjalo, ke go se dira, go dira dikomiki tša rena di tlatšwe bjale ka lerato le kgaogelo ya Gagwe.

² Fao go yo motee yo a bego a dutše le rena telele go fetile, e sego telele kudu, go le bjalo, gomme o fetetše pele. Gomme ke manyami a magolo ka dipelong tša rena ka Ngwanešu Williams. Ke Ngwanešu Williams, mopresitente wa lefapa la rena fa, tatagwe. Tatago o be a le bogolo bjo bokae, Ngwanešu Williams? Masomeseswai seswai. Seo e ka ba mengwaga ye lesomeseswai, ke a thanka, go feta ya—ya . . . aowa, e tla ba, ya, mengwaga ye lesomeseswai go feta nako ya tshepišo. Monna wa mogale. E be e se nako e telele ya go feta ge, a dutše ka kopanong, ka re go yena, gomme ga se go se hlomphe Ngwanešu Williams, ka re, “O bogega bonnyanennyane go feta morwago, Carl.” Go no ya go laetša gore re mo lehono gomme gosasa ga re mo. Ga re tsebe nako yeo e tla neng, ge e etla, eupša re a tseba e a tla. Ke be ke nagana, eupša bophelo ke selo se segolo, ke, bophelo ke sebakabotse.

³ Re sa tšwa go ba le masetlapelo, a yo mongwe a tlogo kerekeng ya rena botelele bjalo, go tšwa Chicago, o bolailwe letšatši le lengwe a etla gae, mme. O be a le kgauswi, ke a thanka kgauswi le masomešupa, gomme yena le monna wa gagwe ba be ba nametše go bapela le godimo Kansas, Missouri, tee, ledimo le eya go kgabola. Monna a otlela, koloi ya tšwa taolong, molala wa gagwe wa robega semetseng. Gomme re no se tsebe se se tla neng. Ge ke . . . ba mpiditše go mpotša ka yona gomme ke biditše bohle bana go dikologa go kgabaganya setšhaba, ke ba botša. Nnete, ka go ba modiša wa bona, go swana, ke bile yo a swanetšego go ba tsebiša. Ke nagana gore re ka ya ka pela bjang, gomme ka gona fale go dutše lepokisi la dipongpong le dutše pele ga ka tše a ntiretšego e ka ba beke ya go feta, gomme a mpha lona. Go no bona gore re ka kgaolelwa ntle ka pela bjang. Eupša, ge bjoo, ge

bophelo bjo e bile feela mo re bilego le dikholofelo tša rena, re tla ba batho ba go hlomola pelo. Jobo o rile, ka go tema ya 14, “Oo, a mola O nkute ka lebitleng le go mpoloka ka lefelong la sephiri.”

⁴ A le kile la lemoga ka fao tlhago e pakago ka Modimo? Re hwetša mehlare, matlakala a hlohlologa go tloga mehlareng, gomme bophelo ka mohlareng bo ya tlase ka mobung, go swana le lebitla, gomme bo dula fao go fihla bogale bja marega bo fetile, morago bo tla morago gape, bo tliša pele bophelo bjo boswa. Ke bopaki bja gore re phela gape. Letšatši le hlaba mosong, e no ba lesea le lennyane, le fokola; ka morago ga lebakana ke nako ye le ba ka sekolong, sekolo sa go phagama; morago ka sekgalela le ka maatleng a lona; morago ka morago ga sekgalela le thoma go retologela go lehlakore le lengwe; morago ka mantšiboa le fokola gape gomme le a hwa. Eupša, bjoo ga se bofelo bja letšatši, le tla godimo gape mosong wo o latelago go pakela moloko wo mongwe, gore go ne bophelo, lehu, poloko, le tsogo.

⁵ Ebile le tlhago mogohle e bolela ka Yena. Gomme tlhago ke bopaki bjo bogolo ka tsela ye nngwe, yeo ke, gore re ka se kgone go ba le Bophelo bjo bja tsogo ntle le ge bo direla morero wa Modimo. Bjale, ge peu e bjalwa, gomme peu e medišwa, e tliša pele letšoba le leswa. Eupša ge e se ya medišwa, e ka se tliše pele letšoba le leswa, ge e sa direle morero wa Modimo. Go le bjalo, e sego feela ka gore ke letšoba le a tsoga, ka gore le direla morero wa Modimo. Ke ka baka le letšatši le hlabago, ke ka gore le direla morero wa Modimo. Gomme re a tsoga ge re direla morero wa Modimo.

⁶ Ke a dumela gore Ngwanešu Williams o diretše morero wa Modimo ka bophelong, tate wa kgonthe. Gomme ke bona morategi molekani wa gagwe, Mdi. Williams, o dutše mo. Monna wa kgonthe, ke wo mongwe wa merero ya Modimo. Tate, wo motee wa merero ya Modimo. Gomme o be a medišitšwe go Modimo, ke Moya wo Mokgethwa, morerokgoparara wa Modimo. Kafao, go bolela gore Ngwanešu Williams a ka se tsoge le go ba le rena gape, re tla swanela ke gore ga go—ga go go ya fase ga seela, ga go go hlaba ga letšatši. Se sengwe le se sengwe se bolela ka tsogo ya gagwe gape, go ba le rena gape, se sengwe le se sengwe. Sa pele, letšatši, matšoba, tlhago, bophelo bja dimela, se sengwe le se sengwe se bolela ka yona. Gomme ka gona Lentšu la Modimo le a mmolela. Gomme, ntle ga fao, yona tumelo ye e lego ka pelong tša rena e rethetha gore re tla mmona gape. Modimo khutšiša soulo ya gagwe. Feel a bjalo ka go feng hlomphe ye nnyane go yena yo a kilego a dula le rena, a re emeng ka maoto a rena nakwana feela.

⁷ Tate wa Magodimong, ga se ra ke ra leka go dira kgobokano ya go swana le ye morero wa go no bonwa goba go kwewa. Re tlile mmogo nako le nako, go godiša Morwa wa Gago, Jesu Kriste, le go fa bopaki go bao ba se nago le Yena, gore ba Mo hwetše. Rena

re, dipelo tša rena di kukutletše ka bao ba tlogetšwego morago ka go tloga ga ngwana wa borena, yo mongwe yo a bego a dutše le rena e sego telele go fetile, o dutše makga a mantši ka go lefapa la go swana. Eupša re a dumela gore O tla mo dira a phele ntle bjo bobotse, bja go tlala bja ntikodiko bophelo, gomme soulo ya gagwe e na le Wena lehono. Mo khutšiše, O Modimo, go fihla letšatši lela ge re tla mmona gape. Šegofatša morwa wa gagwe mo, bana ba gagwe ba bangwe, mosadi wa gagwe morategi, le bao ba bego ba mo rata, gomme bao ke rena bohle, Tate. Gomme a nke re ele hloko se, gore le rena re potagane gomme re swanetše go tloga letšatši le lengwe, ka fao a nke re itokišetše ka borena iri ye kgolo yeo. Gomme ge go ka ba ba bangwe fa mosong wo bao ba sego ba lokela tiragalo ye ya go swana, a nke le e be letšatši le ba tlogo gore “ee” go Morena Jesu, gomme gape ba medišwe go Yena ke Moya wo Mokgethwa. Ka gobane re e kgopela Leineng la Jesu. Amene. Dulang.

⁸ Bjale, re nyaka go tsebiša di—di ditsebišo di se kae. Mosadi wa ka o dutše morago kua mosong wo, ke mmoditše, ke rile, “Hani, ke ya go ba ka ntle ga difihlolo. . .” Re swanetše go ya tlase toropong le go dira dilo. Gomme ke rile, “Ke ya go tšwa ka iri ya lesome.” O ile a ntebelela. Ka re, “Ge nka se be ntle ka iri ya lesome, ke tla go rekela diroko tše tharo tše mpsha tša kgetho ya gago.” Kafao ke—ke tseba se se yago go direga, ke kolota diroko tše tharo thwi bjale, ka gore ke masomepedi go fihla go lesome bjale. Eupša ke tla leka go hlaganela ka pela ka mo go kgonegago.

⁹ Re thabile go ba fa ka Jeriko le lena baena mosong wo, gomme re a le laletša, Mošupologo bošego, godimo go Jerusalema, ka Tucson, moletlwana tlase kua. Le a bona, Phoenix e ka moeding, bjalo ka Jeriko. Tucson, mo ke dulago, e godimo ga thaba, yeo ke—yeo ke Jerusalema. O mo kae, Tony? Gobaneng yo mongwe a sa re “amene” tikologong mo. Mo, bjale ke ka molabeng, Tony ebile ga se a bonagala. Gabotse, gosasa, goba Mošupologo bošego, ke moletlwana ka—ka Tucson, gomme ka kgonthe re tla thaba ge le le tikologong ka tsela yeo, ge le ka no rothela ka gare le go re bona. Sehlogo sa ka bošego bjoo, ge Morena a rata, ke, *Re Bone Naledi Ya Gagwe Ka Bohlabela Gomme Re Tlile Go Mo Rapela*.

¹⁰ Gomme bjale la lesomesenyane la kgwedi ye, goba kgwedi ye e latelago, a ke re, la lesomesenyane la—la Janaware, ke thoma tsošetšo mo, thwi ka kamoreng ye, Ramada Inn mo, gomme la lesomesenyane, masomepedi, le masomepedi tee. Gomme ka gona masomepedi pedi, ke a dumela, go thoma. . . masomepedi tharo, ke na le mašego a mane mo, gomme bjalo ka tsošetšo. Ba bantši ba lena badiredi banešo, ka kgonthe re thabile go ba le lena le ne rena mosong wo, gomme ka bobose re le laletša ntle go tliša batho ba lena. Ba batee gagolo, bao, ba le ba tsebago mo ka toropongkgolo ba ba sa tsebego Jesu bjalo ka

Mophološi wa bona. Gomme ka gona, sa bobedi, go ba ba babjago gomme—gomme ba dumela gore Modimo o araba thapelo, re nepile go rapelela balwetši lebakeng la nako ye feela pele ga Khonferentshe ye kgolo ya Bosetšhaba e tla swarelwago mo go thoma la masomepedi pedi. Gomme ke na le nnete le nyaka go kwa seo, ka gore fao go diboledi tše ntši tša go ikgetha di a tla, gomme ke na le nnete le tla ba le nako ye kgolo.

¹¹ Bjale, mosong wo, ke gopotše ka go bolela mo go lefapa le, leo e lego gore Phoenix ka mehla e be e le ka pelong ya ka. Ke rata Phoenix. Ke be ke le mo ge ke be ke le mošemane yo monnyane, ntle mo ka Wickenburg feela godimo. Gomme ke dutše tlase mo ka Sixteenth le Henshaw. E be e le leganata nako yeo. Eupša ka a bona thwi e ka go toropokgolo, gomme, gabotse, ka kgonthe ka pelong ya toropokgolo. Go laetša gore go nako ye e fetogago, fetoga. Eupša go selo se tee ke nyakago go bolela ka sona mosong wo, ke yo Motee wa go se fetoge, yoo ke Modimo. Modimo, ka go lenaneo la Gagwe, Lentšu la Gagwe, Lona ga le tsoge la fetoga. Dinako di a fetoga, banna ba a fetoga, ditshepedišo di a fetoga. Eupša Modimo ga a tsoge a fetoga, ka mehla O dula a swana.

¹² Gomme ka gopola, ka gore re be re lebane le nako ya Krisemose, gore re tla... mohlomongwe ke tla bolela ka—ka molaetša wa Krisemose. Gomme bjale ge le na le Dibeibele tša lena, gomme le rata go bala, dinako tše dingwe batho ba a dira, ka morago ga baebangedi goba seboledi, ke nyaka go bala go tšwa go Ebangedi ya Mokgethwa Mateo, tema ya 2, bakeng sa karolo ya Lentšu.

Bjale ge Jesu a tswetšwe ka Bethlehem ya Judea ka matšatšing a Herode kgoši, bonang, fao go tlile banna ba bohlaledi go tšwa bohlabela go tla Jerusalema,

Ba re, O kae yo a tswetšego Kgoši ya Bajuda? ka gore re bone naleledi ya gagwe ka bohlabela, gomme re tlile go mo rapela.

Ge Herode kgoši... a kwele dilo tše, o ile a tshwenyega, le Jerusalema yohle le yena.

Gomme ge a kgobokeditše bohle baprista ba bagolo le ba mangwalo le batho mmogo, a nyaka... go bona moo Kriste a tla tswalwago.

...ba rile go yena, Ka Bethlehem ya Judea: ka gore bjalo e ngwadilwe ke baporofeta,

Gomme wena Bethlehem, wa naga ya Juda, ga o yo monyennyane gare ga dikgošana tša Juda: eupša go wena go tla tšwa Mmušiši, yo a tlogo go buša batho ba ka Israele.

¹³ A nke Morena a oketše ditshegofatšo tša Gagwe go palo ya Lentšu la Gagwe. Gomme bjale le dinoutse tše dingwe mo, le Mangwalo a mangwe go lebelela go wona. Ke nyaka go ba le šedi

ya lena e sego ya arogana lebakana le lennyane ka sehlogo sa: *Gobaneng Bethlehem O Monnyane*.

¹⁴ Le a tseba, ka Krisemose, ke a nagana rena bohle, ba bantši kudu ba rena, nka se re bohle, eupša ba bantši kudu ba rena ba lahlegelwa ke boleng bja kgonthe bja se Krisemose e lego sona. Ge ke ela hloko ntle mo, le mehlare ya mepalema e kgabišitšwe; gomme ka Bohlabela ka mehla ke mohlare wa phaene, goba mohlakamotala. Gomme dikgwedi, goba dibeke, a ke re, mohlomongwe kgwedi goba dibeke tše tshela pele Krisemose e ka tsoge ya thoma, ga mehla ke magadigadi le—le tše kgolo . . . Ba e dirile kgwebo sebakeng sa seo kgonthe e se rago.

¹⁵ Ga ke dumele gore Kriste o tswetšwe ka letšatši la masomepedi tlhano Disemere. Ga—ga ke dumele seo le gatee. Go be go ka se kgonege go dilo go direga. Dithaba tša Judea di lehlwalehlwa go fetiša, gobaneng, lehlwa le botebo bja letheka ka kua kgwedi ya—ya Disemere, godimo ka Judea. Eupša re a lemoga ka go ithuta histori, Kriste go molaleng o tswetšwe ka seruthwane, go bapela mogongwe Aporele goba Mei, felotsoko ka mokgwa woo. Eupša ge e fetotšwe, ye, ba e tlišitše, ge Bokriste bo fetolelwa ka go Boroma, ba dirile matswalo a modimo wa letšatši, e bego e le letšatši ka la masomepedi tlhano, go tloga di la masomepedi tee go fihla go la masomepedi tlhano Disemere, letšatši le dutše, go swana, gabotse ga le fetoge le gatee. Gomme nako yeo e be e le matswalo a modimo wa letšatši, kafao ba a fetolela go Morwa wa Modimo.

¹⁶ Eupša, elelwang, eng letšatši e ka bago lona, go le bjalo ga le tšee go tloša bokgethwa bja se le swanetšego go ba sona. Moo Sathane a re patilego ka se, o dirile kgwebo ye kgolo, gomme Santa Clause o utswitše thapelo yohle. Gomme le tlile la ba le—le letšatši go swana le Paseka, go swana le mebutla ya bunny le mapidipidi a mapinki. Gomme—gomme ka gona seo se na le eng go dira le Paseka? Seo se na le eng go dira le tso go ya Kriste?

¹⁷ Go no swana le lefase lehono, ba, digotlane mokgotheng di kgona go go botša ka Davey Crockett go feta ba kgona go go botša ka Jesu Kriste. Ba ka kgona go go botša kudu ka selalogi, sekebeka sa matšatši a a fetilego, go feta ba ka kgonago go go botša ka Kgošana ya Bophelo yo—yo a go belegwa mengwaga ye makgolo a lesomesenyane ya go feta. Eupša leo ga le tšee selo sa kgonthe go tloga go rena Bakriste.

¹⁸ Le a bona, ka mehla seetša se kganya bokaonekaone kudu ka leswiswing. Legadima la foroko ka maratadimeng maru a maso bošego, le laetša gore go ka kgona go ba seetša ka leswiswing. Gomme ge seetša se kganya, ga o bone . . . Ge letšatši le kganya, ga o hloke mabone kudu. Eupša leswiswiswi, bonnyanennyane seetša, se tla kganya gagologolo ka leswiswing. Leswiswiswi, bokaonekaone, se laetša bosona bokaone. Gomme ke bogolo bonnyane gore . . . Rena Bakriste re swanetše

go be re paka go letago la Modimo a re filego Morwa wa Gagwe. Krisemose ye e swanetše go ba selo sa go ikgetha. Rena Bakriste re swanetše. . . Go sa kgathale gore e lebeга ga kaakang, e tla e dira e kganye bokaonekaone kudu. Lefase ka moka le ba magadigadi. Re na le Kriste, gomme se ke se re swanetšego go be re se dira se kganye ka iring ye ya leswiswi ye bjale re phelago ka go yona.

¹⁹ Re nagana ka fao Modimo a dirago dilo ka ditsela tša go se tlwaelege, ka gore Yena ga se a tlwaelega ka Boyena. Modimo ga se a tlwaelega. Yena—Yena o ka Godimo ga tlhago, Mosefelele, go rena re felelago. Kafao, eng kapa eng A e dirago ke—ke ya go se tlwaelege bjalo. Gomme Modimo ke yo mogolo kudu—kudu, go fihla A tšea dilo tša go se tsebalege tša lefase a tsebagatša Yenamong ka sona.

²⁰ Re ela hloko mo ka sehlogong sa ka, sa *Gobaneng Bethlehem O Monnyane*, gore yo monnyennyane kudu wa tšohle tša Judea, dikgošana tša ditoropokgolo tše dingwe tša Judea, gobaneng Modimo a kgethile go romela Morwa wa Gagwe go lefelo lela? Seo ke se re nyakago go bolela ka sona. Modimo o tšea dilo tša lefase, ke a dumela Lengwalo le re, “Ka bošilo bja go rera, go kgahlile Modimo go tšea dilo tša go se tsebalege.” Se re se dirago se segolo, Modimo o se bitša bošilo. Se re beago letago le lentši go sona, Modimo o re ga se—ga se—ga se sa loka. Gomme se re naganago gore ga sa loka, Modimo o a se tagafatša.

²¹ Ke be ke nagana ka feela pele ga matswalo a Morena wa rena, ge bohle bapofeta, le go ya pele, ba boletše ka moeteledipele a etla, “kafao thaba ye nngwe le ye nngwe e tlogo go kokobetšwa gomme mafelo a fase a tlišwa godimo, gomme dithaba di tla tshela bjalo ka dikgapa tše nnyane, gomme matlakala a tla phapha diatla tša wona.” Gomme e be e le mo—mo modiredi, moprofeta ka leina la Johane, o tlile pele go tšwa lešokeng, e sego go tšwa ebile sekolong sa thutabomodimo, maledu mo gohle godimo ga sefahlego sa gagwe, le seripa sa mokgopha wa nku, e sego ka go diaparao tša baruti, a tla ntle le go tsebiša, “Mmušo wa Modimo o batametše!” Gomme batho ga se ba kgone go kwešiša moeswanele wo bjalo ka yoo a etla, a se ne boitsebišo bja ye e itšego—ye e itšego tšhepedišo, ye e itšego a lego wa yona, karata ye e itšego ya kopanelo, goba kereke ya leina ye e itšego ye e bego e mo thekga. Mo—mo Molaetša e be e le wo mogolo kudu, ga se a ke a tšea monna, Modimo o mo tsentše sekolo ntle ka lešokeng. Molaetša wa gagwe o be o se ka mohuta wa ma—ma mantšu a thutabomodimo. O boletše ka disephente le dilepe le mehlare, gomme tšeo ke tše a bego a di tlwaetše, tlhago, a hlokometše kafao e bego e šoma. Gomme yeo e bile tse—tse tsela ye a batametšego. E sego bjalo ka monna wa moruti, eupša bjalo—bjalo ka monna wa tlhago.

²² Gomme batho ga ba kgona go mo kwešiša. Ebile a se ne phuluphithi, gomme gabotse o be a sa amogelwe ka go ye e

itšego, eupša o rerile mabopong a Jorodane, go molaleng a eme ka lerageng godimo seripa go matolo a gagwe. Eupša batho ba tlile ntle go o kwa, bao ba bego ba botega ka pelong. Ba be ba nyaka go kwa ka gore e be e le se sengwe sa go fapana, se be se ne ntikodiko ya Therešo ka go sona.

²³ Lehono re swanetše go ba ka go se, ka go batameleng ga matswalo a Kriste, Molaetša wa rena, o swanetše go ba le ntikodiko ya Therešo go wona e tla dira batho go nyorelwa go Mo hwetša.

²⁴ Modimo o tšere monna yo bonolo yola, wa go hloka thuto, ga go letšatši le tee ka sekolong, gomme go le bjalo o boletše gore o be a le yo mogologolo kudu magareng ga baporofeta bohle ba kilego ba phela, ka gore Modimo o itsebiša Yenamong ka go dilo tša go se tsebalege.

²⁵ Ge Jesu a be a kgetha barutiwa ba Gagwe, go bile. Go be go le banna ba bantši ba ba go ba le maswanedi a makaonekaone a mošomo go feta barutiwa bao, e be e le banna ba baruti, Yena ga se a ke a bitša yo motee. Go be go le banna ba baruti ka go wona matšatši, banna ba bagolo, baprista, banna ba thuto, banna ba go tsebalega, eupša Yena ga se ake a ba bitša. O tšere banna ba dihlapa le bakoloki ba motšhelo, le go ya pele, go—go romela Molaetša wa Gagwe ntle. Ka mehla o dira seo.

²⁶ Ka matšatšing a Noage, O kgethile molemi, molemi feela wa go tlwaelega, go tsebiša go senyega ga lebaka leo. Molemi feela wa go tlwaelega, e sego monna wa moruti, molemi feela! Ka matšatšing a Noage, O tšere mo—mo . . . Ntshwareleng.

²⁷ Matšatši a Moshe, O tšere lekgoba letšhabelakgole, e sego monna wa moruti. Gomme A mo dumelela go tšwela ntle go fihla A kgotsofetše, ntle ka lehlakoreng la morago ga leganata, gomme a loba thuto ya gagwe, gomme a tšwelela go yena ka sethokgweng sa go tuka, gomme a mo roma tlase ka lepara la nkgopo ka seatleng sa gagwe, go thopa setšhaba se a go . . . se A go mo leleka go tšwa go sona.

²⁸ Le a bona, Modimo o tšea dilo tše bonolo go bonagatša Boyena ka tšona. Le a bona, go tšea la Gagwe, E no ba Lentšu la Gagwe. O dirile lefase go tšwa go dilo tšeo—tšeo di dirago . . . di sego tša tšwelela.

²⁹ Matšatši a se makae a go feta ke be ke le ka otithoriamong ya Morris, e tee ya dikhampheine tša rena tše kgolo ka New York, gomme ke be ke ekwa thuto ka Einstein a bolela ka tshepelo ye ya dinaledi, ye a rilego e tšea milione tše lekgolo le maseometlhano tša mengwaga ya—ya nako ya seetša, go ya ntle go yona, le milione tše lekgolo le masometlhano go bowa morago. Gomme ka gona, e no nagana, mengwaga ya seetša ye milione tše lekgolo le masometlhano, yeo e tla ba milione tše makgolotharo tša mengwaga ya seetša. Gomme ka gona ge o fihlile morago mo, o tla be o ile feela mengwaga ye masometlhano. Naganang,

gobaneng, ka fao seetša se sepelago ka lebelo ka gona, dimaele tše dikete tše lekgolo masomeseswai tshela ka motsotso, gomme nagana gore ke dibilione le ditrilione tše kae tša mengwaga e tla tšeago go ya ntle kua le go boa morago. Lekgolo le masomepedi. . . mengwaga ya seetša ye milione tše makgolo tharo. Gomme e no ba dinaledi ka kgobokong tšeo Modimo a nnogo di budula go tšwa diatleng tša Gagwe, gomme O dirile lebaka la legohle la nako ka go mengwaga ya seetša ka godimo ga seo, gomme fale go lebelela fase godimo ga tšona.

³⁰ Ka gona Morussia yo o boletše gore o be a ile e ka ba lekgolo le masemetlhano, dimaele tše makgolo pedi, godimo ka moyeng, gomme a re ga se a ke a bona Modimo goba Barongwa. Motho o kgona go ba bonolo bjang? Gomme ka gona nagana ka tšohle tšona dibilione le ditrilione tša mengwaga; gomme feela mengwaga ye masometlhano go tloga mo, o dirile eng, go phuleletša ka Bokagosafelego.

³¹ Ba re ralefaufau yo a sa tšwago go ya godimo, o bile godimo diiri tše kaalo, o ile bontši bjo bo bjalo, makga a lesomešupa go dikologa lefase, goba eng e bilego yona, ba rile ga se ya tsoge ebile. . . e be e se motsotswana o tee ka bophelong bja gagwe. O be a sepela ka nako. Kafao, le a bona, o phuleletša ka go Bokagosafelego. Bjo ke bogolo bja Modimo.

³² Megopolo ya rena ga e kgone go eleletša kafao A lego yo mogolo. Gomme go le bjalo ge A lokela go ikutolla Yenamong, O e dira ye bonolo kudu, o tšea dilo tše bonolo go e dira, bonolo bja yona.

³³ Dafida, o be a bonala a le yo—yo. . . Bohle barwa ba Isai ba šupa, o bile wa mafelelo go tlišwa pele ga moporofeta. Gobaneng, le batho ba gabo ba be ba ka sega, ba be ba sa kgone go eleletša Dafida yo monnyane wa go lebega bohabetšwana, magetla a mannyane a go kobega, monna wa go lebega bohabetšwana go ba monna yo a tla bago kgoši ya Israele. A ka no ba a be a sa lebege bjalo ka kgoši go batho bao, eupša ka nnete o swanetše go be a be a lebega bjalo ka yona go Modimo, ka gore ba. . . O mo tloditše kgoši, go le bjalo. Le a bona, O tšere se bonolo go lapa la Dafida, goba lapa la Isai, go—go dira dikgoši. Se sengwe seo lefase le se gannego, mo. . . o retologile, o mo rometše morago go hlokomela dinku. O tlišitše pele wa gagwe—pele morwa wa gagwe wa mathomo, yo mogolo wa go tia monna wa go lebega segoši, go molaleng o be a kgona go ema thwi le go lebega bjalo ka kgoši ya Israele, gomme yoo ke yo ba gopotšego o tla lebega botse ka korone godimo ga hlogo ya gagwe, yoo ke yena ka. . . go apara sa—sa segoši seaparo le go swara lepara, le eng kapa eng e swanetšego go dirwa go kgoši. O—o be a lebega gabotse mahlong a batho.

³⁴ Eupša moporofeta, ka oli ya go tlotša ka seatleng sa gagwe, a re, “A ga o na le yo mongwe?” Gomme a ba tliša, ka o tee o tee, go fihla mafelelong a rile, “A ga o na le yo mongwe?”

35 A re, “Ke na le yo motee, eupša mohlomongwe a ka se be selo. O no ba mohuta wa moisa yo monnyane wa go omelela, re nae ntle kua o diša dinku.”

36 A re, “Eya go mo tšea.” Gomme ka pela ge a wetše ka mahlong a moporofeta yo a tloditšwego, a tšhela oli godimo ga hlogo—hlogo ya gagwe, le go kitimela go mo gahlanetša. A re, “Yo ke yo Modimo a mo kgethilego.” Le a bona? Le a bona, ga se magadigadi ka mehla, a lefase. Ke Modimo a kgethago.

37 Gomme ka mogau O re kgethile, kafao re thabela seo mosong wo. Gomme ga go tšee dilo tše kgolo tšeo tša magadigadi a lefase. Moikokobetši kudu a ka ba mohlanka wa Kriste, go tšea yo mongwe a ratago.

38 Modimo o mo tloditše, le a bona, o tšea dilo tše nnyane. Bjale, gobaneng A tšere Bethlehem wo monnyane? Go bonagetše o ka re go ka be go be go le mafelo a magologolo ao Kgoši, Kgoši ye kgolo ya dikgoši a ka bego a tswaletšwe.

39 Ka mehla ge re lokiša tiragalo mo lefaseng, re leka go e bea ka go sa godimodimo, sa go benyabenya kudukudu selo se re ka naganago ka sona, re se iša mafelong a magologolo kudu le go šomiša tšhelete ye ntšintši kudu, le dilo tša go alega kudu. Ke tsela ye re e dirago.

40 Eupša Modimo ga a e dire ka tsela yeo. O tšea se sengwe seo e sego selo, gore A kgone go laetša Boyena go ba wa maatla, gore O a kgona. Ge A ka be a tšere moprista yo mogolo goba monna wa go hlahliwa gabotse, ka matšatšing ge A be a bitša baapostola, ge A ka be a tšere bao bakeng sa ba go se tsebe, monna wa dihlapa wa go se rutege yo a bego a sa kgone le go ngwala leina la gagwe mong, ba ka be ba rile, “Oo, yeo, o a bona, thuto ya gago e a patela.” Eupša Modimo o tšere monna yo a bego a sa kgone le go ngwala leina la gagwe, gore A kgone go tšea se sengwe A bego a kgona go se hwetša ka seatleng sa Gagwe, se sengwe se A ka kgona go dira se sengwe go tšwa go sona, go laetša gore Yena ke Modimo. Re fihla lefelong mo re lemogago gore ga re selo, ka gona ra tsena ka diatleng tša Modimo, gomme O kgona go go kgoloka le go go dira ka tsela ye A go nyakago o eba. Eupša ge feela re ikwela gore re ba bohlokwa, gona o ka se tsoge wa fihla felo. O ka se kgone le go no tsena ka diatleng tša Modimo go fihla re lemoga gore ga re ba bohlokwa.

41 Yo mongwe wa basetsana ba ka ba bannyane o be a botšiša ka bohlokwa letšatši le lengwe. Ka re. . . Gabotse, ke bolela ka monna yo mongwe yo bohlokwa. Gabotse, e be e le Mopresitente yo a sa tšwago go bolawa, gomme dipelo tša rena di be di nyamile ka yona. Gomme ka re, “Gabotse, o be a le monna yo bohlokwa.” Maphepha a e bapaletše godimo, gomme thelebišene e e gatišitše, dibilione le dibilione tša ditolaro e turetše mmušo go gaša yeo. Yeo, yohle e lokile, yeo ke taba ya bona. Eupša ka re. . . Moreri yo monnyane yo wa Pentecostal godimo kua ka Carolina, monna

yola o sepeletše ka gare, a tagilwe ka sethunya, a bitša mosadi wa gagwe gomme a thunya monna thwi go tšwa phuluphithing, morago a thunya mosadi wa gagwe, gomme a ithunya yenamong, seripana se sennyane ka morago ga lephepha e ka ba bogolo *bjoo*. A ke go botše, ngwanešu, ga go kgathale gore re bomang, “O nyaka go tseba ka mo o lego yo bohlokwa,” ka re go mosetsana wa ka yo monnyane, “hlaba monwana wa gago ka emereng ya meetse gomme o o gogele ka ntle, gomme o leke go hwetša molete” Ga re selo. Go yo Motee feela yo bohlokwa, yoo ke Modimo. Re swanetše go elelwa, Yena ke yo Motee.

⁴² Go be go lebega o ka re ge ba be ba nyaka go . . . monna o be a lokiša lefelo la Kgoši go tla go tswalwa, go be go ne mafelo a magologolo a mantši le mafelo a histori a Kgoši go na le Bethlehem ye nnyane ye. Mafelo, mohlala, bjalo ka Silo. Silo ke mo areka ya go tsengwa la mathomo, re a tseba, ge re etla go kgabaganya fao . . . go tla go kgabaganya Jorodane go ya ka lehlakoreng le la Palesitina, gomme moo areka ya go tsengwa godimo ga lefelo la yona la mathomo la thapelo. Goba Giligala; Sione, Sione lefelo le legolo; Giligala, le gona.

⁴³ Goba mošate mogolo wa boikgogomošo, wa Jerusalema, moo dihlogo tša mekgatlo yohle di kgobokanago, motsemošate wa tšona, go lebega o ka re ba ka be ba lokišitše lefelo godimo kua ka Jerusalema la Kgoši ye kgolo go tswalwa, ge ba be ba nyaka lefelo, lefelo la histori goba lefelo le lebotse la go ikgetha. Fao ke mo motsemošate wa bodumedi o bego o le, wa bodumedi mo Kgoši e tlilego gona. O tlile go emela bodumedi bja bona. Gomme O . . . gomme ge A dirile, sebakeng sa gore bona ba Mo lokišetše lefelo ka Jerusalema goba le tee la mafelo a magolo ao a histori, O tswaletšwe ka Bethlehem, ye nnyennyane go ditoropokgolo tšohle. “A ga o yo monnyennyane gare ga dikgošana tša Judea? Eupša go wena go tla tšwa mmu—mmu Mmušiši yo a tlo bušago batho ba Ka.” Gomme Jerusalema ye kgolo ye ya boikgantšho le tšohle tše dingwe ditoropokgolo di gannwe.

⁴⁴ Goba mohlomongwe ba ka be ba tšere a mangwe a mafelo a botšhabelo, lefelo le legolo bjalo ka Hebrone, Kadese, goba Ramothe Geliate, e tee ya ditoropokgolo tše kgolo tšeo tša botšhabelo, ka gore O be a swanetše go ba Botšhabelo bja rena. Ge re be re ka leka go lokiša menaganong ya rena, re ka be re tšere, ra re, “Gabotse, bjale, ge Kgoši ye kgolo ye e etla, ye e tla bago Botšhabelo bja rena, O swanetše go tswalwa ka go letee la mafelo a magolo a a segopotšo a a botšhabelo, bjalo ka Romothe Geliate, goba Kadese, goba le tee la ao.” Re ka be re lekile go le lokiša ka mokgwa woo ka menaganong ya rena.

⁴⁵ Eupša, le a bona, Modimo o na le ditsela tše dingwe tša go dira dilo. O tseba mokgwa wa go dira dilo gabotse. Gomme bjale ka monagano wa Modimo le thušo ya Modimo, re tla leka go bolela gore gobaneng se se diregile, ka gore sengwe le sengwe se šoma feela tlwa thwi ka lenaneong le legolo la Modimo. Gomme

ke nyaka lena batho mo ka Phoenix, le tikologo, go—go—go leka go hwetša Se. Gore elelwang, gore Modimo o tseba se A se dirago. Le a bona? Gomme O tšea mokgwa wo bonolo go se dira ka wona. Ka gore, ge A dira se sengwe ka se sengwe se segolo sa go ikgetha, gona . . . Modimo ga a dire dilo ka mokgwa woo, Yena ga se a ke a dira ka go histori yohle ya Beibele. Modimo ga se a ke a šoma, ga se a ke a dira ka nakong ye e itšego, a tšea sehlopha se se itšego sa batho go dira eng kapa eng. Modimo o tšea motho ka motho. Wena o yo motee, wena, motho yo motee. Gomme Modimo ga a ke a fetola lenaneo la Gagwe. Ka gore, lenaneo la Gagwe la mathomo, O swanetše ka mehla go dula le lenaneo leo.

⁴⁶ Ka matšatšing a Noage, O bile le monna yo motee, Noage. Matšatšing ao a tlišitšego Israele ntle, O bile le monna yo motee, yoo e be e le Moshe. Re a tseba Dathane le ba bantši ba bona ba lekile go nagana, gabotse, ba “bile le maatlataolo a go swana” le go ya pele. Le tseba se se diregilego go bona. Matšatšing a go tla ga Morena, matšatši a Johane Mokolobetši, le ba bangwe ba go fapana, O na le yo motee motho ka motho O šoma le yena. Gomme O šoma le rena lehono bjalo ka motho ka motho, e sego sehlopha. Motho yo motee! Go ya go tšwa go wena le nna, gore re ema bjang pele ga Modimo. Ka gore, O šoma le wena le nna bjalo ka motho ka motho, e sego bjalo ka sehlopha se re lego ka go sona, gomme e sego bjalo ka kereke ya leina re lego ba yona, eupša bjalo ka wena le nna bjalo ka motho ka motho.

⁴⁷ Bjale, Joshua, ge a abaganya naga godimo, o fa lefelo le lennyane le go Juda. Bontši bja lena, ke—ke na le mafelo a mangwe fa a ngwadilwe fase mo le dutšego, eupša bohle re lemoga seo, mo le dutšego godimo ka sekhutlong. Gomme e be e no ba lefelo le lennyane le ba le filego, Joshua, ka go abaganya naga, o file leo go leloko la Juda.

⁴⁸ Gomme bjale ge Israele e etla go tshela noka ya Jorodane, bjale lekang go swara se, ge Israele e kgabaganyetša ka kua nageng, naga ya tshepišo, go be go le mosadi wa Montle yo re mo tsebago bjalo ka Rahaba seotswa. Gomme o kgopetše kgaogelo, gomme o amogetše kgaogelo, o amogetše kgaogelo ge feela a be a dutše ka fase ga thapo ye khubedu. Gomme yeo ke tsela e nnoši a bego a ka kgona go ba le kgaogelo. E be e le leswao, seka se se bego se filwe yena.

⁴⁹ Re na le Seka lehono, le rena, gomme re bolokegile ge feela re dula ka fase ga thapo ya rena ye khubedu, Madi a Jesu Kriste. Bjalo ka motho ka motho, e sego sehlopha, motho ka motho, re swanetše yo mongwe le yo mongwe go dula ka fase ga thapo yela ye khubedu ya Madi a Jesu Kriste.

⁵⁰ Gomme ka gona Rahaba yo, ka morago ga ge a šoketšwe, o tlišitše bohle batho ba gabo ka gare, sengwe le sengwe se bego se le ka fase ga thapo se ile sa—se ile sa phološwa. Go no swana le ge Modimo ka Egepete, ge bohle ba bego ba le ka fase ga

madi ba ile ba phološwa. Bohle ka fase ga thapo ye khubedu ba phološitšwe. Bohle ka fase ga Madi a Jesu ba phološitšwe, bohle ka ntle go tšwa ka fase ga Wona o lahlegile gomme o loketše tshenyego. Gomme re a hwetša ntle bjale, ka go dira se. . . Ka gona re kwešiša ka histori gore o ratane le mogenerale yo mongwe, ga ke tsebe leina la gagwe thwi bjale, ka sešoleng sa Israele. Gomme mafelelong o nyetše monna yo. Gomme ba dutše godimo mo ka go le, kgauswi le lefelo le lennyane le, gomme morwa wa gagwe, Salmone, ke yena a hlomilego Bethlehem. Le a bona, Montle o kgokagane le yona sa mathomo, Montle, Rahaba seotswa.

⁵¹ Bjale, re hwetša ntle gore Salmone o hlomile toropokgolo ye nnyane ye ya Bethlehem. Gomme a tswala Boase. Gomme Boase e bile yena a nyetšego Ruthe, Montle yo mongwe. Gomme re latela lešika le bjale. Ruthe, o bile, o be a le Momoaba, gomme a nyala Boase, le go tla ka toropongkgolo ye feela ka sehla sa mabele. Oo, ge nkabe re ne nako mosong wo, go fihla, go yeo, ke be ke tla kolota mosadi wa ka diroko tše tshela, ka morago ga fao. Eupša go dula go sehlogo seo!

⁵² Naomi, o emela kereke ya orthodox, o tlogile ka lebaka la tlala, a ya godimo a ya nageng ya Moaba; go swana le go šwalalanya Israele, yohle ntle magareng ga ditšhaba. Gomme ka gona ge a boile morago, o tlišitše Ruthe morago, Momoaba, gomme o boile feela ka nako ya mabele, feela go kgobela mabele a pele. Seo ke gore Kereke ya Bantle e tla go Modimo ka sehla sa mabele gape. A seswantšho se sebotse fao. Gomme yena le Boase ba nyalana, gomme morwa wa bona wa go tsebalega, Obed, a belegwa fao, le go tswalwa. Gomme morwa wa gagwe, morwa mogolo, Isai, o tšwele go Obed. Fao le yena a belega Dafida, morwa wa gagwe, kgoši Dafida a tla ntle.

⁵³ Lebelelang go se se tla godimo bjale. Go tšwa go Rahaba seotswa, morwa wa gagwe, o e hlomile. Go tšwa fao go tla—go tšwa go tla Boase, yo a tlišitše ka gare Montle yo mongwe. Gomme morago go tšwa go Boase gwa tla Isai. Gomme mo Isai, go Isai gwa tswalwa Dafida. Gomme Dafida, thwi gona mo ka Bethlehem ye nnyane ya go swana, a tlotšwa ke moporofeta wa Modimo, go ba kgoši ya Israele. Tšohle dilo tše tša semoya di utilwe go mahlo a lefase, di be di direga mo ka toropongkgolo ye nnyane Bethlehem. Le a bona, yeo ke tselo ye Modimo a dirago.

⁵⁴ Bjale, ke a tshepa gore Moya wo Mokgethwa o tla ba gona bjale go le fa kwešišo ya go nepagala, gore Modimo ga a šome ntle ka go dilo tše kgolo tše. Ke ka Moya. “E sego ka maatla, e sego ka thata, eupša ka Moya wa Ka,” go rialo Morena. Le a bona? Modimo o šoma ka Moya magareng ga batho. Le a bona, mabokamorago a magolo a, O be a ka kgona feela go tla go toropokgolo ye. Leo ke lefelo le nnoši A bego a ka kgona go tswalwa. Modimo a latela mothaladi wa Gagwe wa go swana. Modimo ka mehla o dira seo. Modimo o latela mo—mo mothaladi

wa Lentšu la Gagwe. Ga a kgone go ya morago ka Lentšu la Gagwe, ka mokgwa ofe, gomme morago a dula e le Modimo. O swanetše go dula le Lentšu. A ka se tsoge a tlogela Leo. Lehono, ditšo tša rena le go ya pele di re tšea go tloga go Lentšu. Re na le dithutotumelo le dilo re di entela ka Lentšung, tšeo di tšhilafatša selo ka moka. Eupša Modimo a ka se tsoge a tlogetše mothalo wa Lentšu la Gagwe. Lentšu la Gagwe ke therešo, ka mehla, ka gore Yena ke Lentšu. Modimo le Lentšu la Gagwe ba a swana.

⁵⁵ Bjale, re bone mo kafao gore Bethlehem ye ye nnyane ye, efela e sa elwe šedi, lefelo le lennyane le sa elwego šedi kudu go lefase la ka ntle, feela le lenyennyane kudukudu go ditoropokgolo, ga go yo a išago šedi ye e itšego go lona. Eupša go le bjalo Modimo o bile ka morerong wa Gagwe gore leo . . . fao ke mo dilo tšohle di bego di tla direga. Bjale, monagano wa semoya o tla topa seo godimo, ka gore moporofeta o rile fa, le a bona, moporofeta o rile, “Wena Bethlehem ya Judea, a ga o yo monnyennyane gare ga dikgošana? Eupša go tšwa go wena go tla tla Mmušiši yo a tla bušago batho ba Ka Israele.” Moporofeta, monagano wa moporofeta o e hweditše.

⁵⁶ Hlokomela tša moya tšeo, Moya wo Mokgethwa lehono o etellapele dilo tšeo. Ga e dire phapano ye e itšego se lefase le se bolelago ka go ohle magadigadi a lona. Hlokomelang Moya wo Mokgethwa ka go Lentšu, fao ke mo e tšwago.

⁵⁷ Go reng ge Jobo a ehwa gomme a hlaotše lefelo la poloko? Go latela go tšile Abraham, Abraham o rekile seripana sa naga go boloka mosadi wa gagwe, Sarah. Gomme Abraham, ge a ehwa, o nyakile go bolokwa le Sarah. Abraham o belege Isaka. Isaka, ge a ehwa, o nyakile go bolokwa le Abraham. Isaka o belege Jakobo. Jakobo o hwile, thwi tlase ka Egepete, eupša o dirile Josefa (morwage moporofeta) go ena ka yena, ka seatla sa gagwe godimo ga kgwele ya gagwe ya go hlotša, gore o be a ka se mmoloke tlase ka Egepete. Gobaneng? O rile, “Nkiše godimo ka nageng gomme fao a a bolokweng.” Gomme Josefa, ge a ehwa tlase ka Egepete, o boletše ka go tloga, gomme Israele e ya ntle go ya ka seporofeto, eupša o rile, “Tšeang mašapo a ka go tšwa ka nageng ye.” Gobaneng? Ba tsebile gore dithakangwaga tša tsogo di be di eya go tla godimo go tšwa nageng yeo, ka gore Jobo o rile, “Ke a tseba Molopolodi wa ka o a phela, gomme ka matšatši a mafelelo O tla ema godimo ga lefase; le ge diboko tša letlalo di ka senya mmele wo, go le bjalo ka nameng ya ka ke tla bona Modimo.”

⁵⁸ Ba tsebile gore dithakangwaga tša tsogo di be di etla go tšwa ka nageng ya tshepišo, e sego ka Egepete. Ba be ba le ba semoya, ba be ba le baporofeta. Gomme ge Jesu a hwile, ka—ka Labohlano le Lebotse, gomme a tsogetše godimo ka mosong wa Paseka, Lamorena le le latelago mosong, Beibele e boletše gore, “Ba bantši ba bakgethwa ba ba bego ba robetše ka leroleng la lefase, ba tsogetše godimo le go tšwela ka ntle ga mabitla,

ba ya ka toropongkgolo, ba ya godimo ka Letagong le Yena.” Gobaneng? E be e le bona baporofeta ba ba tsebilego tšwa mo ba tla bolokwago, ka lefelong le ka nako. E be e utilwe go tloga mahlong a bahlale. Eupša ba tsebile seo—seo, ba lebeletše ka lehlakoreng la Moya. Di—di dithakangwaga tša tsogo di be di etla go tšwa ka Palestina, e sego ka Egepete.

⁵⁹ Kafao go bjalo lehono, bagwera. Batho ba bantši ba swareletše godimo ga dilo tša lefase, goba tshepedišo ye nngwe ye kgolo goba se sengwe. Mpolokeng ka go Jesu, ka gore bao ba lego ka go Kriste Modimo o ba tliša le Yena ka tsogong yeo. Gomme ga ke tshwenyeye se lefase le swanetšego go se bolela, ba leka gakaakang go dira dilo magadigadi. Ke ka go Kriste, bao ba lego ka go Kriste bao Modimo o tla ba tliša le Yena. Monagano wa semoya o swara dilo tšeo tša semoya.

⁶⁰ Mo moporofeta o rile, “Bethlehem o monnyane, a ga o yo monyennane magareng ga dikgošana tšohle tša Juda? Eupša go wena go tla tšwa Mmušiši yo,” e sego mošate wo mogolo wa go itira wa setaele, e sego go tšwa mabaleng a mangwe a kereke a histori, mo Methodist, Baptist, Presbyterian, Pentecostal, goba eng go fetiša e thomilego. “Eupša go tšwa go ye nnyenyane ya tše, go tšwa go lefelo le lennyane la go se be bohlokwa Ke tla tliša pele lefelo le, Mmušiši wa Ka wa batho.”

⁶¹ Eupša lehono re nyaka gore, “Botatawešo ba dirile *se*, gomme botatawešo ba dirile *sela*.” Le a bona, Modimo o hlokomologa nthathana ye nngwe le ye nngwe ya seo. Modimo O dira se a nyakago go. Hlokomelang mothalo wa Moya, hlokomelang tsela yeo le—le Lengwalo le balegago. Ba be ba se ne tsebo go seo. Eupša, le a bona, Lengwalo ke le e lego nnete. Ka mehla, Modimo o nneteng.

⁶² Dafida o ile a tlotšwa ke moporofeta yo mogolo yo, go ba kgoši. Ntle le go kamaka gore Samuele, moporofeta yo mogolo yo, o tsebile dilo tše pele ga nako. Gomme e bile fao gore peu ya gagwe ye e tšepišitšwego ya semoya. . .ka gore Modimo o enne ka keno, gore O be a tla tsošetša Kriste godimo go dula godimo ga terone ya Dafida. Gona ke kae mogongwe Kriste a bego a ka tswalelwa? Tate wa Gagwe o tswaletšwe fa, rakgolo wa Gagwe, rakgolokhukhu wa Gagwe, khukhu-khukhu-khukhu-khukhu-khukhu godimo morago. Le a bona, batho ba Gagwe ka mothalong wa Bantle ba tlišitšwe ka gare. Gomme bjale Beibele e boletše gore, “Bantle ba tla tshepela ka Leineng la Gagwe.”

⁶³ Le a bona, yohle e swanetše go tlišwa ka gare gore le kgone go e bona. Re rata go dula fao lebakana le go dula godimo ga seo, le go le laetša gobaneng Bantle, eupša ke na le nnete monagano wa semoya o tla swara se thwi go tloga bjale; ka gore, go ba bomme, gomme e sego tate. Bjale, ka gore e—e bile mosadi, Monyalwa. Montle o tla dirwa godimo, Monyalwa, o tla dirwa godimo ke Bantle. Montle, “O tla tšea batho go tšwa go Bantle bakeng sa

Leina la Gagwe.” Leo ke Leina la Gagwe. O tšere mosadi, le a bona, go tšwa go Bantle. Gomme yeo ke ka mokgwa wo e swanetšego go ba, mosadi o tla ka gare, kereke, gomme yena. Ba be ba le Bantle, bomakgolo morago ka mothalong wa peu.

⁶⁴ Bjale, bjalo ka ge Isaka a be a le ka mothalong wa peu ka mokgwa wo mongwe. Bjale elang se hloko, re hwetša ntle gore Dafida o bile le tshepišo ye ya morwa. Bjale, re hwetša kafao seo se bapelago gape le Israele. Ge Israele . . . Goba Abraham o tshepišitšwe gore peu ya gagwe, se e bego e tla ba sona, gore go tšwa go peu ya gagwe go be go tla tla Mophološi yo mogolo yo, gomme o be a tla ba tatago ditšhaba. Peu ya gagwe ya tlhago, nnete, e be e le Isaka, gomme e paletšwe. Eupša Peu ya gagwe ya semoya, ka tumelo ye a bilego le yona, go tlile Kriste, yeo e tlišitšego ka gare ditšhaba tšohle.

⁶⁵ Gabotse, bjale selo sa go swana se a bapetšwa mo gape. Peu ya Dafida ya tlhago e be e le Salomo, gomme e kgelogile go no swana le ge peu ye nngwe ya Abraham e dirile. E kgelogile. Kafao le Salomo o kgelogile. O bile le basadi ba bantši gomme, selo sa pele le a tseba, ba hlahletše pelo ya gagwe go tloga go Modimo. Gomme tsela ye a ilego le go kgeloga, o hwile ka tsela yeo, a kgelogile. Israele e hwile ka tsela ya go swana, e kgelogile.

⁶⁶ Eupša re hwetša ntle gore Peu ye ya semoya, ye e bego e tshepišitšwe ka peu ya tlhago bjalo ka lešika la batho go tla ka Abraham, eupša bjalo ka bogoši bo etla ka tshepišo ya semoya ya Dafida. Gomme Dafida o tswaletšwe ka Bethlehem. Gomme o tloditšwe ka Bethlehem. Gomme re hwetša ntle morago gore ge Peu ya gagwe ya kgonthe ya Bogoši, Mojabohwa go terone ya gagwe a tswalwa, ka toropongkgolo ye e swanago, Bethlehem o monnyane. “O yo monyennyane magareng ga dikgošana tšohle tša Juda, eupša go wena go tla tšwa Mmušiši yo a tla bušago batho ba Ka.”

⁶⁷ Ka toropongkgolo ye nnyane ye, setala se sennyane, setala sa toropokgolo tlase ka lehlakoreng la legaga, go be go le lewa morago ka legageng, gomme go tšwa fao go tlile pele go kgabola mejako ya lona ye mennyane, Kgošana ya Khutšo, e tswetšwe ka setaleng, ka go le—le lepokisi le lennyane la—la mahlaka le dutše felotsoko, mokgobo wa manyoro godimo ka dipolokelong, le go ya pele, eupša go tšwa fao go tlile Kgošana ye kgolo yela, Peu ya mosadi, go tšwa fao go tlile Mophološi wa lefase, go tšwa fao go tlile Jehofa ka Boyena, ka sebopego sa monna, o tlile go tšwa go setala se sennyane sela sa go kokobela ka Bethlehem. E sego ka go mohuta wa ntlo ya bogoši, go tswalelwa ka bogošing; eupša fale O tlile go tšwa lefelong lela la go kokobela, go mokgobo wa manyora tlase kua, gomme o be a phuthetšwe ka lešelatšhireletšo la joko. Setšo se re, le be le tšerwe go tšwa go joko ya pholo mo ba bego ba lema ka yona.

68 Batho ba badiidi! Josefa le Maria, bobedi badiidi ka kgonthe, gomme mo ba be ba le ka setaleng se sennyane se. Modimo o itira wa go kokobela bjang Yenamong! Gomme ka gona re leka go itira ka borena se sengwe se segolo. Ga le kgone go bona kafafo Modimo a ikokobetšago ka Boyena le go tšea dilo tše e sego tšona, gore A tliše go fetiša ditshepišo tša Gagwe tše kgolo. Kafafo Jehofa yo monnyane a robetše ka legopong, a phuthetšwe ka—ka gare ga lešela le le tšerwego morago ga joko, molaleng wa joko moo pholo e bego e le gona. Gomme ba phuthetše Kgošana ya Khutšo ka go lona! Nna! Gona rena re bomang? Re swanelwa ke eng? Ge Modimo a kgona go ikokobetša ka Boyena ka mokgwa woo, a ga ra swanela re kgone go ikokobetša ka borena go ba mohlanka wa Gagwe, ge A dirile dilo tše ka mokgwa woo? A re ka se kgone go lebala dirithi tša rena tše kgolo le dilo tša lefase le, le go feta go tloga go tšeo, le go ikokobetša ka borena pele ga Gagwe Krisemose ye? Le go ba . . . Go Mo laetša ditebogo tša rena tša tswalo yeo le go kokobela fale, ka go ikokobetša ka borena le go amogela Lentšu la Gagwe. Ga go kgathale se setšo se se bolelago, ke Lentšu la Gagwe le le bolelago. Leo ke le A tla le tšea go, Lentšu la Gagwe, gomme Leo le nnoši.

69 Bjale re hwetša ntle, setala se sennyane se, e bile fao mo koša ya matswalo ya mathomo e kilego ya opelwa lefaseng, gomme e be e opelwa ke Barongwa. Naganang ka yona! Koša ya matswalo ya mathomo, e sa opelwe godimo kua le Kayafa, e sego tlase ka go kereke ye nngwe ye kgolo ye kaone mo modiša wa go makatša a bego a le gona, eupša setaleng ka Bethlehem, o monyennyane magareng ga bona bohle. Eupša koša ya matswalo ya mathomo e opetšwe ke Diphedi tša Barongwa ka toropongkgolo ye nnyane ya Bethlehem. Le bona se ke se gago?

70 Ga go kgathale gore o modiidi bjang, o yo monnyane goba wa go se—se be bohlokwa bjang, Modimo a ka kgona go go šomiša ge o ka no Mo dumelela go dira bjalo. Modimo o a go nyaka. Ga a nyake o . . . ga wa swanela go ba wa sosaete se sengwe se segolo, tšhepišo ye nngwe ye kgolo, boena bjo bongwe bjo bogolo, goba eng kapa eng e ka bago yona, seo ga se re selo go Modimo. Modimo o nyaka wena! Gomme ge o le . . . ge o ikwela gore o yo mogolo, ntšhetša maikutlo ao ka ntle ga gago. O swanetše go a ntšhetša ntle. O re, “Gabotse, gabotse, ke na le Ph.D., LL.D.” Seo se no go tšea kgolekgole kudu go tloga go Modimo. Lebala selo. Etle morago go Modimo. Etle morago go go kokobela ga Moya, gomme rata Modimo le go tšea Lentšu la Gagwe.

71 “Gomme ge le dula ka go Nna gomme Lentšu la Ka ka go lena, gona kgopelang se le se ratago, se tla direlwa lena.” Modimo o tšhepišitše seo. “Ge o re go thaba ye, ‘Šuthišwa,’ gomme o sa kamake ka pelong ya gago, eupša o dumela gore se o se boletšego se tla tla go phethega, o ka kgona go ba le se o se boletšego.” “Yo a dumelago go Nna, mediro ye Ke e dirago o tla e dira le yena. Le

ye megolo go feta wo o tla e dira, ka gore Ke ya go Tate wa Ka.” A tshepišo!

⁷² Go na le se sengwe se a hlaela felotsoko. Se re lekago go se dira ke go leka go e phetlela godimo le go e dira selo se sengwe se segolo godimo kua, ra bea letšoba le magadigadi godimo ga yona, gomme ra e tšhilafatša go no swana le ge ditšhaba di dirile Krisemose. Yeo ke nnete! Ge re ka kgona go tloša magadigadi go tloga go dilo, gomme go—go kokobela morago ka pelong ya motho! Ge re ka kgona go tliša go kokobela morago go Krisemose ga se ye e swanetšego go ba sona! E sego letšatši la kgwebo, e sego mabone le tša Santa Clause! Eupša morago go rapeleng Modimo wa tlholo Yo a tlilego ka setaleng gomme a belegwa e le Lesea, Modimo a dirilwe nama gomme a dula magareng ga rena! Ge re ka kgona go tla morago go seo, re ya kgole go tloga go magadigadi le dilo tše kgolo. Modimo ebile ga a šome le yona le gatee.

⁷³ Le re, “Go lokile, ke nna wa mokgatlo wo mogologolo.” Seo se go tšeela kgolekgole go tloga go Modimo. O re, “Ke dira se, sela.” Seo se no go tšeela kgolekgole kudu.

⁷⁴ O swanetše go ikokobetša ka bowena go fihla o bona gore, go fihla, “Ge le dula ka go Nna le Mantšu a Ka a dula ka go lena, gona kgopelang se le se ratago.” Se re lekago go se dira, ka pela ge Modimo a re fa motšhologo wo monnyane wa ditšhegofatšo, re leka go e phetlela godimo yohle le go bea bahlomphegi ka kua ba ba yago go dira maina a magolo le go phala yo mongwe. Yo o thoma ka tsela *ye* le ka tsela *yela*, Modimo o tlogela selo ka moka. Se re se hlokago lehono ke tšhologelo ntle ye mpsha ya Moya wo Mokgethwa godimo ga dipelo tše di kokobetšego. Re hloka Krisemose ya kgonthe, lefelo la matswalo. Ge o ka no lemoga gore ga o selo eupša setala! Modimo ga se a ya Jerusalema, Silo, goba Ramothe Gileada, O tlile go setala se se bego se tšhilafetše. Ge o dumelela Modimo, o ba . . . le go lemoga ka go wenamong gore ga o selo eupša setala sa go nkga. Eupša wa amogela, wa bula mabati, ge mafelo a magolo a le dihotela a Mo raka go tloga, wa bula mabati a gago a legopo la pelo ya gago gomme wa dumelela Jehofa go tla ka fao, gomme hlokomela se se diregago, ka gore Yena ke Lentšu. O rile, “Ge le dula ka go Nna, gomme Lentšu la Ka go lena.” Yena ke Lentšu. Mo dumelele A tile ka go wena, gomme o hlokomela se se diregago. Gona kgopelang se le se ratago, gomme se tla direlwa lena.

⁷⁵ Ee, e bile fao koša ya matswalo ya mathomo e opetšwego ke Barongwa, mengwaga ye mentši ya go feta. Gomme ge Yena . . .

⁷⁶ [Ngwanešu o bolela ka leleme le lengwe. Yo mongwe o fa tlhathollo. Lefelo la go se be le selo godimo ga theipi—Mor.]

Gomme bjale re a tseba molaetša o swanetše go ba o le bohlokwa, gore Modimo o be a nyaka go bolela seo, goba O be a ka se šwahlele ka gare go molaetša go dira sa go swana le seo.

“Ikokobetšeng ka bolena ka tlase ga diatla tša Modimo,” e bile molaetša wa lona, bagwera.

Bjale, Tate wa rena wa Magodimong, re a tseba gore O bohlale bjohle le go dira se sengwe le se sengwe feela gabotse. Re a rapela gore O tla fa bjale gore wo e be mo—mo molaetša go batho, gore ka therešo re swanetše go ikokobetša ka borena, rena bohle, le go tla ka tlase ga seatla sa Modimo yo maatla. Re gafela ka borena go Wena, Tate, gore O tla fa se go rena. Leineng la Jesu, Morwa wa Gago. Amene.

⁷⁷ Bjale, go tšwelapele, ke be ke bolela ka ge koša ya mathomo ya matswalo e opetšwe, e opetšwe ke Barongwa ka Bethlehem o monnyane. Fao ke mo banna ba bagolo ba bohle ba tswaletšwego. Fao ke mo tshepišo ya Kgoši e tswaletšwego. Kgoši ye e tshepišitšwego e tšile go woo. Bjale, lentšu . . . go hlaganela bjale, gore ke se le swarelele botelele kudu. Tshe—tshe tshepišo, lentšu e be e le le, lentšu “Bethlehem.” A re le ripaganyeng fase. Ke tshetše godimo dinoutse di se kae mo gore ke tšee nako godimo. Bjale, Bethlehem. Lentšu *B-e-t-h* le ra “ntlo.” *E-l* le ra “Modimo,” ka Seheberu. *E-l-h-e-m* ke “Borotho.” *Bethlehem*, “ntlo ya Borotho bja Modimo.” Seo ke se lentšu le se rago.

⁷⁸ Mantšu, maina, a ne ditlhaloso. Batho ba bantši ga ba dumele seo, eupša seo ke therešo. Ge maina a se ne tlhaloso ye e itšego, gobaneng leina la Abram le ile la swanela ke go fetolelwa go Abraham? Gobaneng leina la Sarai le ile la swanela go fetolelwa go Sarah? Gobaneng Saulo a ile a swanela go fetolelwa go Paulo? Gobaneng Simone a ile a swanela go fetolelwa go Petro? Le a bona, ohle a na le ditlhalošo, le lengwe le le lengwe le na le tlhaloso.

⁷⁹ Gomme leina *Bethlehem* le ra gore “ntlo ya Borotho bja Modimo.” Bjale, se se swanela bjang go Jesu, Borotho bja Bophelo bjo Bosafelego. Kriste ke Borotho bja Bophelo. Bohle re dumela seo, a ga re dire? Bethlehem e swanela bjang fao, lefelogare la borotho bja lefase, e be e le lefelogare la borotho bja Bophelo bjo Bosafelego. Ke ka baka leo Kgoši e ilego ya swanelwa ke go tswalelwa kua. O rile, ka go Mokgethwa Johane 6:35, “Ke nna Borotho bja Bophelo bjo bo tšwago go Modimo Legodimong. Botataweno ba jele manna ka lešokeng, gomme bohle ba hwile. Eupša Borotho bjo, ge motho a e ja Borotho bjo, o tla phela go ya go ile.” Gona, Jesu ke Borotho bja Bophelo, ka fao Borotho bja Bophelo bo ile bja swanelwa go tšwa Bethlehem. Ke Yena Borotho bja rena bja Bophelo bja leeto, bjalo ka Israele. Modimo o file Israele borotho go tšwa mafaufaung, bja leeto la bona, ge ba be ba sepela go tšwa fao ba tlogetšego Egepete go ya ka nageng ya tshepišo. Borotho, bošego ka bošego, bo be bo ena fase go tšwa mafaufaung. Gomme Modimo o re file Borotho bja Bophelo bja leeto la rena, go tšwa Bethlehem, ntlo ya Modimo ya Borotho. Le bona ka fao e ilego ya swanela go ba? E swanetše go ba fao leina leo le bitšwago, *Bethlehem* “ntlo ya Borotho

bja Modimo.” Ka gona O be a ka kgona bjang go tswalelwa ka Jerusalema? O be a ka kgona bjang go tswalelwa ka Ramothe Gileada? Le a bona, O tllile fao Leina la Gagwe le bego le le, “ntlo ya Borotho bja Modimo.”

⁸⁰ Oo, elang hloko, Israele e amogetše borotho bjo boswa bjo bonana bošego bjo bongwe le bjo bongwe, bo etla fase go tšwa Legodimong, go leeto la bona. Kriste ke Bophelo bja rena, Borotho bja Bophelo, gomme letšatši le lengwe le le lengwe re amogela bonana go tšwa go Kriste, go tšwa Legodimong, Moya wo Mokgethwa o tla fase godimo ga modumedi letšatši le lengwe le le lengwe. Bonana!

⁸¹ Boitemogelo bja maabane, bontši bja rena re phela ka boitemogelo bja maabane. Ga ra swanela go dira seo. Ke boitemogelo bja lehono! Bjo ke bjo e lego taba ka dikereke tša rena tša maina, ba phela ka boitemogelo bja John Wesley, godimo ga boitemogelo bja Dwight Moody, Finney, Sanky, Knox, Calvin, bontši bja bao morago kua. Ba phela ka boitemogelo bjo. Eupša, elelwang, borotho bjo bo welego, gomme ba lekile go bo boloka bo šetše, bo ile bja tšhilafala, diboko tša tsena ka go bjona, dinyokanyokišamesejana tše nnyane. Gomme ke ye e lego taba lehono, didibana tše tšhilafaditšwego, go phela ka borotho bjo bo fetilego bjo bo tšhilafaditšwego.

⁸² Re swanetše go ba le se sengwe se senana go tšwa go Kriste, Lentšu la Gagwe lehono la iri ye. Le a bona? Ke Yena bonana bja rena, Borotho bja rena bjo bo wago letšatši ka letšatši godimo ga modumedi go tšwa Legodimong. Ke yena Bethlehem ya rena, Ngwako wa Modimo wa Borotho bja Bophelo bjo Bosafelego. Kriste o belegetšwe Bethlehem, gomme a ba Ngwako wa Modimo wa Borotho Bja Bophelo bjo Bosafelego. Ke Yena Borotho bja Bophelo. Ke Yena Bethlehem ya rena. Kriste ke Bethlehem ya rena. Borotho bja tlhago bo bitšwa “lehlotlo la bophelo.” Re bitša borotho bja tlhago, go swana le borotho bjo bohwefo bja rena, selo se re se hwetšago, se bitšwa lehlotlo la bophelo. Jesu ke Lehlotlo la Bophelo la Modimo, le—le—le Lehlotlo la Borotho bja Bophelo la Bophelo bjo Bosafelego. Bjalo ka ge lehloto la bophelo le bitšwa borotho, Jesu, e lego Borotho bja Bophelo, ke Lehlotlo la Modimo la Borotho bja Bophelo bjo Bosafelego go rena. Le a bona?

⁸³ Re ka se kgone go ya, se sengwe se swanetše go hwa gore re kgone go ja. Mosong wo ge o e ja, o ja selo sa go hwa. Ge se sengwe se sa hwe, gona o ka se kgone go phela, ka gore o phela feela ka selo sa go hwa. Ge o eja nama, kolobe e hwile. O ja nama ya kolobe, kolobe e hwile, ka nnete. Gomme ka gona ge o e ja nama ya kgomo, kgomotshadi e hwile. O re, “Eupša ke ja borotho.” Gona korong e hwile. “Gobaneng, ke jele ditala.” Ditala di hwile. O phela feela ka selo sa go hwa, gomme yeo ke tsela e nnoši o kgonago go phela.

⁸⁴ Ka gona ge o kgona feela go phela ka tlhago, ka selo sa go hwa, se sengwe se ile sa swanela go hwa gore o kgone go phela ka tlhago, ke gakaakang go fetiša Se sengwe se ilego sa swanelwa ke go hwa gore o phele ka Gosafelego! Kriste o hwile, gore re phele ka Gosafelego. Gomme O ba Ngwako wa Modimo wa Borotho bja Bophelo bjo Bosafelego, bjo re bo swarago, bonana, iri ye nngwe le ye nngwe ya letšatši, go tla fase go tšwa go Modimo Legodimong, ka sebopego sa Moya wo Mokgethwa, go fepa disoulo tša rena tša go swarwa ke tlala ge re dutše mmogo ka mafelong a Magodimong. Ke Yena Bethlehem ya rena.

⁸⁵ Ka gona bohle barwa ba Modimo ba go dumela ka therešo ba tswaletšwe ke Bethlehem le Yena. Ge Kriste a ile a swanelwa ke go ba Borotho bja Bophelo, go tswalelwa ka Bethlehem, e lego Ntlo ya Borotho bja Bophelo, gona yo mongwe le yo mongwe wa badumedi ba therešo ka go Kriste o tswaletšwe ka go Kriste, ba tswaletšwe ka go Bethlehem ya Modimo. Amene. Gona, feela, Jesu o tswaletšwe ka Bethlehem, ke tswaletšwe ka Bethlehem, o tswaletšwe ka Bethlehem. O e dirile bjang? Thwi ka mo Phoenix, Arizona, mosong wo ka Ramada, o ka tswalwa gape ka go Bethlehem ya Modimo, Ntlo ya Borotho bja Bophelo bjo Bosafelego. E je gomme o phele go ya go ile!

⁸⁶ Gobaneng Bethlehem o monnyane? Seo ke lehono, “Gobaneng sehlopha se sennyane sa bapshikologi bakgethwa? Gobaneng *se, sela goba se sengwe?*” Batho ga ba tsebe gore E mabapi yohle.

⁸⁷ Eupša Moya o a E utolla. Lentšu le a E bontšha. Ke ponagalo ya Lentšu la Modimo. Re na le Bophelo ka Kriste, gomme Yena a nnoši. Mekgatlo ya rena, dikereke tša rena tša maina, diphapano tša rena, feela di no re aroganya le Modimo. Re na le phihlelelo e tee go Modimo, gomme yeo ke ka Jesu Kriste. Ga go tsela ye nngwe re ka kgonago go tla go Yena; e sego ka moprista, ga go moreri, ga go tshepedišo, goba ga go selo gape; Jesu Kriste a nnoši gomme Yena mmapolwa. Ke Yena Borotho bja Bophelo bja Modimo, gomme re tswalelwa ka go Yena. Gomme ge A le Borotho bja Modimo bja Bophelo, gona ke Yena Bethlehem. Gomme go tswalelwa ka go Kriste, gona re tswaletšwe ke Modimo ka Bethlehem, ka go Kriste Jesu, re dutše mmogo ka mafelong a Magodimo, re ja Yena. Re ja Yena! Yena ke Mang? Ke Yena Lentšu. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.” Gomme ge re ka kgona go dula ka maikemišetšo a matee, Lentšu la Modimo, le go ja go Leo, re ka go ya Modimo, Bethlehem ya semoya, re ja Borotho bja Modimo bja semoya, gomme disoulo tša rena di feleletša Lentšu le lengwe le le lengwe A le boletšego, ka “Amene!” Re ipshina ka Dijo tše tša barongwa tša Legodimo.

⁸⁸ Ge Le re, “Maswao a a tla latela bona ba ba dumelago.” Thutotumelo le kereke ya leina e re, “Oo, Ga go bjalo.” Eupša

monna wa kgonthe yo a tswaletšwego ka Bethlehem, o re, “Amene!”

⁸⁹ “Mediro ye Ke e dirago le tla e dira le lena.” Kereke ya leina e re, “Ke sehlopha sa maikutlo a maitirelo.” Eupša modudi wa kgonthe wa Bethlehem o re, “Amene,” ka gore o kgotsofetše, Seo ke Dijo tša morongwa.

⁹⁰ “Ge le dula ka go Nna le Mantšu a Ka ka go lena, kgopelang se le se ratago, gomme se tla direlwa lena.” Amene.

⁹¹ Oo, ba godimo le ba bohlae ba ka se tsoge ba e bona. Re swaretše kudu bjalo go ditšo tša rena tša bagolo, kudu bjalo go fihla re rwala dikarata le se sengwe le se sengwe gape go tsena ka phuluphithing ye nngwe. Ga se bona yona. O ka kgona go tsena ka phuluphithing ya Modimo ka go ikokobetša bowenamong. E tla ka Ntlong ya Borotho bja Bophelo, Jesu Kriste, gomme o phele go ya go ile ka Bogoneng bja Gagwe, le go phagamišitšwe godimo ka mafelong a Magodimo ka go Kriste Jesu, o keteka Lentšung. Yeo ke Bethlehem ya Modimo.

⁹² Ke ba bakae ba rena ba lego ka go Yona mosong wo? Ke ba bakae ba ratago go lebala ditšo tša lena, ke ba bakae ba ratago go lebela thutotumelo ya lena ye e sa dumelelanego le Lentšu? Gobaneng re se na le tsošetšo? Gobaneng re se na le dilo tše di eya pele? Taba ke eng ka Pentecost? E ikgatlofaditše ka boyona. Yeo ke yona. O ka se kgone go kगतlofatša Pentecost. O ka se kgone go dira mokgatlo. Eupša pentecost ke tšhegofatšo, ke Maatla a Modimo. Gomme ge e ba ke pentecost ya mmapaale, e ka se tsoge ya feta Lentšu ka thoko bakeng sa thutotumelo. E tla tšea Lentšu. Nnete, ka gore o boloditšwe go tloga go lefase le dilo tša lefase. E dula feela godimo ga Lentšu la Modimo, le go Le dumela. Re ka Bethlehem, balokelwa ba Mmušo wa Modimo. Re ja Borotho bja Modimo bja Bophelo bjo Bosafelego. Bo tswaletšwe, Borotho bja Modimo, bo tswaletšwe ka Bethlehem, go ba Borotho bja Bophelo bja semoya, bja Bophelo bjo Bosafelego, ka ntlong ya Modimo. Oo, nna! Go tswalelwa ka Bethlehem, ke rena, mosong wo, ge re tswaletšwe ka go Jesu Kriste, ka gore ke Yena Bethlehem ya Modimo. Jesu ke Ntlo ya Modimo ya Borotho bja Bophelo bjo Bosafelego.

⁹³ Yena gape ke Meetse a rena a leeto. Bjale, re a tseba gore Yena ke Meetse. Bjalo ka Israele ka leetong la bona, e ka ba gore ba iteile leswika gomme borotho bja bona bja tla fase go tšwa Legodimong, eupša leswika le iteilwe gore ba kgone go nwa go tšwa go lona go swarelela bophelo bja bona ka leetong. Modimo o teile leswika, goba o dirile Moshe go e dira, moporofeta wa Gagwe, o iteile leswika. E be e le eng? Go bula leswika. Ge. . . Leswika e be e le Kriste. A le a e dumela? Go lokile. Nako yeo ge moporofeta a butše leswika gore bophelo bo tle ntle, gona, ge e le Leswika lehono, re hloka Moya wo Mokgethwa ka go monna yo

mongwe yo a tla itiago Leswika morago, amene, le go dira Lentšu le tle ntle, ka gore Yena ke Lentšu.

⁹⁴ Re fetile ka thoko dithutotumelo le go nwa meetse magakwa go tšwa didibaneng. Se re se hlokago lehono ke go bulwa ga Lentšu le le phelago, gomme O sa swana maabane, lehono, le go ya go ile. A ka se palelwe. Ba ka le bitša go bala mogolopo, ba ka kgona go bolela eng kapa eng ba nyakago, goba ramemoya, goba—goba diabololo, ge feela Lentšu lela le ela ka go lokologa le go tšweletša tlwa se Le boletšego gore Le tla se dira, Ke Mothopo ka ntlong ya Dafida gape, morago ka Bethlehem, fao gore Jesu Kriste o a swana maabane, lehono, go ya go ile, go badudi ba Gagwe ba Bethlehem. Ba phela le Wona, ba phela ka go Wona, ke Meetse a leeto la Bophelo go rena bjalo ka ge Israele e bile.

⁹⁵ A matee a maitemogelo a magolo a Dafida yo mogolo, ge o nyaka go bala ka wona ka go Samuele wa Bobedi 35:15, go thoma, re bala ntle kua gore Dafida, a tswaletšwe ka Bethlehem, eupša go le bjalo o ile a ba moneneri. Oo, a ponagalo! Bafilisita ba be ba rakeletše ka nako yeo, ka nageng, ka gore Soulo, monna yo mogolo yo a tlišitšwego Israele yohle ka sebeng, o be a wele go tšwa go Modimo gomme a ba lenaba la Modimo, gomme o be—o be a rakeletšwe, Bafilisita ba be ba rakeletše go dikologa Bethlehem. Gomme Dafida, a leka go boela morago legaeng la gagwe mong, o be a sa kgone go e dira, o be a le ntle ka lešokeng ka gore o be a fetogile moneneri go batho ba gagwe, goba, fao a dukutšwe.

⁹⁶ A seswantšho se sebotse e lego sona sa Kriste lehono, moneneri. Ke Yena. Bjale, o re, “Seo se ka se kgone go ba.” Gabotse, ge o dumela Beibele, ke yona. Beibele e boletše, ka go Lebaka la Kereke ya Laodikia, gore Kriste o be a le ka ntle ga kereke, a kokota [Ngwanešu Branham o kokota godimo ga phuluphithi—Mor.] a leka go tla morago ka kerekeng ya Gagwe mong. Moneneri ke se sengwe se se ganngwego, sa go ganwa. Gomme Lentšu le Moya wo Mokgethwa di gannwe. Yeo ke nnete. O ka se kgone go tsena ka kua. Ge o ka be wa Mo amogela, o swanetše go tšwela ka ntle ga fao go Mo hwetša. O swanetše go ya ka ntle go Yena. Ga a kgone go tsena ka gare. Ba dutše kudu go dithutotumelo tša bona go fihla ba—ba ka se go dumelele go rera tšona dilo, ba ka se go dumelele go dumela dilo tšeo.

Ba re, “O a dumela O a swana?”

⁹⁷ “Oo, ka go tsela, O a swana.” Bjale, fao ga se go phela ka Bethlehem. Aowa, aowa. Ke go nwa sedibana sa magakwa, tsela morago, borotho bja kgale bja go senyega bjo bo wele go mengwaga ye mmalwa ya go feta. “Na *Semangmang* o rileng ka Lona?” Ba ka be ba be ba rereša ka letšatšing la bona. Le ke letšatši le lengwe. Le ke Letšatši la Morena! Le ke lebaka le lengwe la kereke, e sego la Philadelphia. Le ke Laodikia. Ke la

go ganwa, gomme Kriste o bile moneneri ka kerekeng ya Gagwe mong, o kgoromeleditšwe ntle. Ke modiiledi.

⁹⁸ A ka kgona go tla thwi tlase le go šoma thwi magareng ga batho, le go dira dilo tša go swana tše A di dirilego mo, a boletšego gore O tla e dira ka matšatšing a mafelelo, a fa maswao a go swana le dilo tše A boletšego gore O tla di dira bjalo ka ge go bile ka matšatšing a Sodoma. Re tseba se A se dirilego go Kereke kua.

⁹⁹ Re bona Billy Graham, bjalo ka ge go bile. Bona batseta ba ile tlase ka go kereke ya leina, le go rera tlase ka kua, gomme kua le go ba biletša ntle, go ba botša gore ba dumele Lentšu le go tšwela ka ntle ga Sodoma.

¹⁰⁰ Sehlopha sa Abraham se be se se ka Sodoma, ba be ba šetše ba bileditšwe ntle. Hlokomela Morongwa, se A ba diretšego godimo kua, e le leswao, le ba le tsebilego. Gomme selo sa go swana se ka kgona go dirwa, gomme batho ba re, “Oo, gabotse, se Le dumele.” Gobaneng? Gobaneng? Ka gore ba dirile Kriste moneneri go mokgatlo wa bona, ga ba tsebane le Lona, Mopentecostal le bohle mmogo. Bjale, yeo e no ba Therešo tlwa. Ke a tseba e a ngapa. Eupša, theetšang, ge eng kapa eng ye e sa. . . Ge—ge e le Therešo, e tla ngapa. Gomme yeo ke nnete. E swanetše go ba Therešo.

¹⁰¹ Bjale, bjale hlokomelang Dafida, ge a be a le godimo kua, Dafida o lorile ka diphenyo tša gagwe tše maatla. O be a le ka leweng, a dula morago, gomme tsela kgole, e ka ba dimaele tše lesometlhano ka ntle ga toropokgolo. Gomme a tla godimo kua gomme a lemoga gore kua, toropokgolo morategi ya gagwe mong mo a tswaletšwego gona, le mo a tloditšwego kgoši, le—le go ya pele.

¹⁰² Badudi ka Israele, ka go wona matšatši, ba be ba le se sengwe go swana le ka mo go lego ka Jeremane. Ba be ba na le ditropokgolo tše nnyane. Gomme ba be ba phela ka go ditropokgolo bakeng sa tšhireletšo, gomme ka gona ba tšeela dinku tša bona le diruiwa ntle ka nageng le go di fepa, le go di gapela morago ka gare. Gomme nakong ya mantšiboa, ba di bea ka mašakeng.

¹⁰³ Gomme Dafida, ge a lebeletše tlase godimo ga toropokgolo, a thoma go elelwa ditiro tše maatla tše Modimo a di dirilego ka yena, diphenyo tše kgolo tše maatla tše Modimo a di fentšego ka yena. Ka fao gore letšatši le lengwe ge a be a na le dinku tša gagwe godimo ka dithabeng mo a bego a le gona, a letše fase kua mafulong a matala, le go ya pele, bera ya tla ka gare gomme ya swara e tee ya dikwana tše nnyane gomme ya e tšeela ntle. Gomme a ya morago ga yona, gomme a bolaya bera. Modimo o mo file phenyo ka gore o be a laetšwe ke tatagwe go hlokomela dinku tše. Woo e be e le wa gagwe—woo e be e le wa gagwe mošomo, go hlokomela dinku!

104 O modiša, woo ke mošomo wa gago! Gomme di ja Dijo tša dinku, e sego ditšhupamabaka. Dijo tša dinku, Lentšu la Modimo!

105 Yo mongwe o tla gare le go tšea e tee, a tšhabela ntle. Yo mongwe o tla ka gare le go tšea e tee le go e tšeela ntle, o ile ka morago ga yona. Tau e tlile ka gare le go tšea e tee, o ile ka morago ga yona. O be a se a kgotsofala go fihla a e hweditše.

106 Seo se mo file phenyo ye kgolo yela letšatši le lengwe, ge a bone Israelele yohle e katile. Le a bona, Israelele e be e kwele dithutotumelo tšohle le se sengwe le se sengwe. Ba bile le tšohle, bohle ba ile kerekeng. Bohle ba be ba boloditšwe. Bohle ba ile go moprista le go hwetša ditšhegofatšo tša bona pele ba be ba ka ya ntsweng. Eupša ge go etla fase go makgaolakgang, ka Godimo ga tlhago, ba be ba le, yo mongwe le yo mongwe, mafšega, ka gore ba bone se sengwe se be se le ka kganetšong. Gomme ba be ba se ne sebetse, ba—ba be ba se ne se re ka se bitšago lehono, le—le lentšung la mokgotheng, ba be ba se ne se e—e—e “eya o e tšee.” Go be go le se sengwe se hlaela. Ba be ba sa kgone go ya ntle kua le go lebanya lekgema lela. Gobaneng? Eupša bohle ba be ba šegofaditšwe ke moprista. Ba be ba na le ditšhegofatšo tše kgethwa godimo ga bona, gomme ba ile ba khunama gomme go molaleng ba be ba tloditšwe ka meetse a makgethwa, le eng kapa eng e bego e le yona, gomme kua ba be bohle ba eme ntle kua. Eupša ge kganetšo e be e le ye kgolo bjalo, ba be ba se naso. Soulo o be a eme kua, mookamedi pharephare goba mopišopo, a eme ntle kua, hlogo le magetla bokagodimo ga madira a gagwe.

107 Gomme a dira tlhohlo, Goliath o dirile, gomme o rile, “Ge nka mmolaya, gona le tla re ke hlankela. Eupša ge a ka mpolaya, gona re tla le hlankela.” Eupša kganetšo e be e le ye kgolo kudu. O be a na le menwana ya diintši tše lesomenne, e be e tla ba diintši tše masompedi seswai go kgabaganya seatla sa gagwe. Lebelela seatla se a bego a na le sona! Ya gagwe—ya gagwe tšhwana, tšhwana ya go loga, bjalo ka lerumo la gagwe le a bego a ne lona. Gomme nagana ka fao hlogo ya gagwe e bego e tla ba ye kgolo ka gona, e be e tla ba bjalo ka nthetelego. Gomme go be go tla ba se—se sekokoro, intši goba tše pedi bokoto, sa mphiri, se lekeletše godimo ga hlogo ya gagwe. Lebelela tlhamo ya ntwa, diripa tša tlhamo ya ntwa bjalo ka e tee ya mafasetere a a go fifatšwa go amogela moya, mo a bego a kgona go hema le go itšhišinyana ka boyena, ke ka mokgwa wo ditlhamo tša ntwa di bego di šoma. Ka jase ye kgolo ya go apešwa dikgapetla tša diphoofolo e lekeletše godimo ga gagwe, e ka ba e be e imela diponto tše lekgolo, goba diponto tše makgolopedi, tša mphiri, e lekeletše godimo ga sefega sa gagwe. Ka—ka tšhwana, lerumo ka seatleng sa gagwe, mohlomongwe dikgato tše masometharo tlhamo botelele.

108 Se lenaba le ka se dirago ge a nagana o na le bophagamo go wena! Se a naganago gore a ka se dira, ka fao a tla dirago go

ikgantšha! “Matšatši a mehlolo a fetile. O ka se kgone go feta ka dilo tše bjalo ka tseo.”

109 Eupša fale go tlile godimo moisa yo monnyane wa go lebega bohabetšwana yo a bego a se ne boitemogelo bja thutabomodimo, eupša o be a ne boitemogelo gore Modimo o be a sa ntše a le Modimo. Modimo boloka Lentšu la Gagwe. Gomme šo o tla godimo. Gomme Soulo o rile, “Ema, ke tla—ke tla go fa grata ya bokgabo.”

110 A bea sekokoro sa gagwe godimo ga gagwe, gomme sa ya, sa mo subeletša fase. O be a sa tsebe selo ka seo. A re, “Ga ke tsebe selo ka yona mehuta ya dilo.” A re, “Ga ke tsebe. Eupša ke tseba selo se tee, gore o boifa go lwa le lekgema lela? Gomme o eme mo gomme o ipitša ka bowena Kereke ya Modimo yo a phelago, gomme o dumelela lešoboro lela la mosedumele go ema ntle kua le go dira boikgantšho bjo bo bjalo ka bjola?” A re, “Ke tla ya go lwa le yena!”

111 Oo, re hloka monna wa go swana le yoo lehono, monna yo a bilego le boitemogelo!

112 O dirile eng, Dafida yo monnyane wa Bethlehem o dirile eng? O ile ntle kua go lwa le lekgema. Lekgema le mo rogile ka leina la medimo ya gagwe, medimo, bontši, o mo rogile ka leina la makgema, goba medimo ya gagwe, le go ya ntle kua gomme a re, “Lehono ke tla go tšea ka lerumo la ka gomme ke tla lekeletša setoto sa gago godimo kua ka mohlareng le go dira dinonyana go se ja.”

113 O rile, “O kopane le nna bjalo ka Mofilisita, ka leina la Mofilisita, ka tlhamo ya ntwala le lerumo, eupša ke kopana le wena Leineng la Morena Modimo wa Israele.” E be e le eng? Lentšu! Lentšu, “Ke tla kopana le wena ka Lentšu.” O rile, “Lehono ke tla ripa hlogo ya gago go tloga magetleng a gago.” Lekgema lela le ile la sega gomme la mo hlasela. Gomme Dafida ga se a ke a katakaka, o ile a mo hlasela, le yena. Fao go na le lefelo le tee feela le lennyane, gomme Modimo o ile a lebantšha leswika la gagwe.

114 Dafida, a robetše godimo mo bjalo ka moneneri, o be a nagana ka seo, ka fao phenyo ye kgolo yela e bego e le ka gona. Nako yeo o swanetše go be a nagana ka psalme, ka fao dinako tše dingwe ntle kua ka dithabeng o be a tla robala le go gopodišiša ka Modimo. O rile o tlemeletše ditaello tša Gagwe godimo ga kotampete wa gagwe—wa gagwe le menwana ya gagwe, le kae kapa kae a yago. “Ka mehla ke ne Morena pele ga ka, ka mehla, gomme nka se šuthišwe.” O be a beile Modimo pele ga gagwe. Gomme diphenyo tše kgolo a bilego natšo! Ge a be a hwetša tšhušumetšo, o be a le mopsalme, o be a tshelela godimo gomme a tšea pene ya gagwe gomme a ngwala dipsalme le go di opela. O be a tsena Moyeng, gomme a bina le go bina le go bina ka Moya. Ka fao a bego a rwalelwa go tloga ka Moyeng, o be a bina ka Moya ka go ngwala dipsalme tše. Gomme o swanetše go ba a tlile

godimo go dipsalme tša go fapana, “Morena ke Modiši wa ka, nka se hloke. O ntira gore ke hutame fase ka mafulong a matala,” Psalme ya 23, “O ntlahlela kgauswi le meetse a makhutšo. O bušetša soulo ya ka. Oo, O ntlahlela ditseleng tša go loka ka baka la Leina la Gagwe. Gomme, ya, le ge nka sepela go kgabola moedi wa morithi wa lehu, nka se boife bobo. Wena o na le nna.”

¹¹⁵ Gomme ge a be a gopola ka dilo tšeo, e swanetše go ba e be e le letšatši la go fiša, a nyorwa, go fiša le go tšwa mphufutšo. O be a kgona go lebelela kgole tlase ka moeding go tšwa ntlhoreng ya dithaba, ka lehlakoreng la bohlabela goba lehlakore la bodikela, goba lehlakore la bohlabela e be e le, la toropokgolo, ge a lebeletše tlase gomme a bona fao Bafilisita bohle tlase kua, dikete tša bona ba rakeletše go dikologa. O bone sediba sela sa kgale moo a bego a enwa go tšwa go sona. Oo, a thoma go nagana ka moso ge a be a tšea dinku tša gagwe, go ya ntle go—go di fepa, o be a feta kgauswi le sediba se sa kgale, ka gore e be e le lefelo le legolo la meetse. Gomme nako yeo o be a eya kua gomme o be a enwa meetse, le go nwa, a dumelele dinku tša gagwe go nwa. Ka fao kua Bethlehem, moo o be a noša dinku tša gagwe.

¹¹⁶ Fao ke tlwa moo Modimo a nošago dinku tša Gagwe gape lehono, thwi morago ka Bethlehem, Ke Meetse a manana a botšididi.

¹¹⁷ O ile a llela ntle, “Ge feela ke be nka ba le seno go tšwa sedibeng sela gape!” Ke ya go tswalela bjale, theetšang sekgauswi. “Ge feela ke be nka ba le seno!” Bokagare ga gagwe o lletše ntle, “Ge feela ke be nka kgona go nwa gape go tšwa go sediba sela sa Bethlehem.” Dikganyogo tša gagwe e be e le taelo go bao ba bego ba mo rata. Elelwang, soulo ya gagwe e be e llela go nwa meetse ale. Gomme bao ba bego ba mo rata, kganyogo ya gagwe ye nnyennyane e be e le taelo. Re a botšwa gore yo motee wa . . . ba bararo ba banna bao ba tlile mmogo, banna ba bagolo. Yo motee o bolaile makgoloseswai, a nnoši. Yo motee a tabogela ka moleteng gomme a bolaya tau. Yo motee o tšere lepara a rotla lerumo go tšwa seatleng sa Moegepeta, a mmolaya ka lerumo la gagwe mong, gomme a ema godimo ga tšhemo ya kota ya go sokagana ka mkgwa woo, gomme a bolaya makgolotharo go mo dikologa. Banna ba bagolo! E be e le Bantle. Hlokomelang mo ba tšwago.

¹¹⁸ Dafida mo ke seswantšho sa Kriste, Bethlehem, ka nnete Kriste ke Morwa wa Dafida. Šo o eme kua, o llela go nwa meetse ale. Gomme kganyogo ya gagwe e be e le taelo, ke rile, go bao ba bego ba mo rata. Ba bararo ba banna bao ba gogile ditšhoša tša bona gomme ba lwa dimaele tše lesometlhano tša banna, go theogela toropongkgolo yela. Ge ba bangwe ba lwela go boloka . . . Bona e be e le banna ba bagale ba go lwa, Bafilisita bao, gabedi bogolo bja bona, ba bangwe ba bona. Eupša e be e le banna, bagale, ba go kgona go lwa. Yo motee wa bona o bolaile, a ema a nnoši seatla, gomme a bolaya banna ba

makgoloseswai thwi go mo dikologa, ka letšatši le tee. Ba be ba le banna ba bagolo, ba be ba tshepa Modimo. Ba be ba ne tumelo ka go moetapele wa bona. Gomme ba ripa tsela ya gagwe tlase go kgabola, go fihla ge ba bangwe ba bona ba ripa gomme yo mongwe yo motee a ga kgamelo ya meetse, gomme ba ripa tsela ya bona go ya morago go kgabola dimaele tše dingwe tše lesometlhano tša banna, gomme ba tliša ao godimo go Dafida gore a kgone go a nwa.

¹¹⁹ Mo Kriste o emelwa mo ka go se, mmogo Kgoši le Mohlabani, ka gore O ripile tsela ya Gagwe go kgabola. O kgaotše methalo ya lenaba ya lehu. O kgaotše methalo ya lenaba, gore, gabotse, re be le Bophelo bjo Bosafelego, Meetse a Bophelo bjo Bosafelego. O tllile go kgabola le go ya lehung, gomme o tšeešše lehu godimo ga Gagwe mong, gomme a hwa lehu, gomme a tla morago gore re be le Bophelo bjo Bosafelego. Yena ke mmogo Kgoši le Mohlabani. Ga se ra ke ra fenya, e šetše e fentšwe! Ga se ra ke ra fenya lehu, O re fenyeditše lehu! Yena ke Dafida wa rena wa letšatši le. O fentše lehu. Borotho le Meetse a Bethlehem.

¹²⁰ Bethlehem e be e le lefelogare. Lena borahistori le tseba seo, gore e be e le lefelogare. E be e le nagakgolo ya korong ka kua, go tšwa go nošetšo le dilo. Ba be ba kgona go ba le puno ye kgolo ya korong. Gomme gape ke meetse a makaonekaone kudu. E be e le lefelogare la borotho le lefelogare la meetse la Palestina.

¹²¹ Gomme lehono, ga go kgathale re na le mekgatlo bjang e mekae, ke ba bakae ba ba bitšwago baena, gomme, bao, ba ka no ba, Kriste a sa no ba Bethlehem ya modumedi. Ke Yena lefelo la Borotho le Meetse. Methodist, leo ke le lebotse go wena; leo ke le lebotse go lena Mabaptist, lena Mapentecostal, lena bohle. Ke lohle lefelo le tee, leo ke Bethlehem. Ke fao Borotho le Meetse a Bophelo di tšwago. Ya.

¹²² Šo Yena Borotho bja rena, Borotho le Meetse a Modimo tša rena. Ke Yena lefelogare, lefelo le nnoši o ka kgonago go tla le go Bo hwetša, ke go tšwa go Yena. Ntlo ya Modimo, ka go motho wa Jesu Kriste, Bethlehem ya rena, Borotho le Meetse a Bophelo bjo Bosafelego. Gomme Yena ke Lentšu le dirilwe nama. Šele Lentšu, Borotho le Meetse a Bophelo. Bahebere 13:8 e re, “O a swana maabane, lehono, le go ya go ile.” Seo se Mo dira Bethlehem ya rena, lefelo la rena la Borotho le Meetse, lefelo le nnoši la Bophelo bjo Bosafelego.

¹²³ Elang hloko Dafida, ge a hweditše meetse, ga se a ke a a nwa. O rile, “Modimo o a gana. A ke madi a banna ba bao ba beilego maphelo a bona kotsing,” go ya ntle go mo tlišetša seno sela. Hlokomelang! O a tšholletše godimo ga mobu, go ba moneelo wa seno go Modimo. Amene! Banna le baena, phagamiša tumelo ya lena motsotso feela bjale. O ganne go a nwa, yenamong. O a tšholletše godimo ga mobu, go ba moneelo wa seno go—go Modimo.

¹²⁴ E swanela bjang go Johane 3:16, ge Modimo a ratile lefase bjalo gore A neele ka Morwa wa Gagwe a tswetšwego a nnoši. Jesu, Kgošana ya Bophelo, o tlile mo, o be a se a swanela go hwa. O fentše lehu Yenamong, gomme a tšhollela Madi a Bophelo bja Gagwe Mong ntle godimo ga mobu, amene, bjalo ka moneelo wa sebe sa rena. Ke Leswika la rena le le iteilwego. Godimo ga mobu, Madi mafiwa ke Modimo a bohlokwa a Gagwe.

¹²⁵ Ke kwele yo mongwe a bolela letšatši le lengwe ka go molaetša, a bolela gore ba be ba etla . . . ke a dumela e be e le Billy Graham, bošego bja go feta, ke be ke mmogetše ge a be a bolela gore o ile Israele gomme a ya ka Palestina, gomme o rile, “Ke tla go dumela batho ba lena,” se sengwe ka mokgwa woo. Gomme ka nnete ke ile ka mo rata ge a be a tšwelela go lenaneo lela la lefase bošego bja go feta. Ba bantši ba lena ba ganne monna go dira seo. Eupša, lebelelang mo, o tlile pele ga setšhaba ka moka nako yeo. Gomme ga se a ke a tšeela morago, o eme feela tlwa go se a se dumetšego. Gomme ka nnete ke mo ratela seo. Gomme o rile, “Ke ile Israele gomme ka ba botša, ‘Ke rapela yo mongwe wa Bana ba lena,’ ka mantšu a mangwe, ka mokgwa wo.”

¹²⁶ Ka gopola, “Billy, seo ke semaka. Ke rata go bona maatla mafiwa ke Modimo ao o nago le wona go ema kua ka bogareng bja matsaka ohle a Hollywood gomme wa fa bopaki ka Jesu Kriste, eupša O be a se Mojuda.” Jesu e be e le Modimo, e sego Mojuda. Elelwang, sele ya madi e tla go tšwa go bong bja monna. Gomme O be a se motho, Mojuda goba Montle, O be a le Modimo a hlotšwe ka nameng. Ga ra phološwa ka madi a Mojuda goba madi a Montle, re phološitšwe ka Madi a Modimo. O be a le Modimo, ga go selo sa ka fase. O be a se Mojuda le ge e le Montle. Madi a go hlola a Modimo ka go Yena, re ba . . . Ge A be a le Mojuda goba Montle, bohle re lahlegile. O be a le Modimo ka nameng. Nnete.

¹²⁷ Ga ke rapele Mojuda, ke rapela Modimo ge ke rapela Jesu Kriste. Ga ke rapele se sengwe e sego sa nnete goba mohuta wo mongwe wa selo sa histori. Ke rapela Jesu Kriste, Bogona bja Jesu Kriste thwi bjale, e lego Lentšu la Gagwe le le bonagatšwago ka go lebaka le.

¹²⁸ Modimo ka go lebaka le lengwe le le lengwe o abile Lentšu la Gagwe go tloga mathomong, gomme nako ye nngwe le ye nngwe ka moo le lengwe la mabaka ao le fetilego kgauswi, Modimo o romela fase moporofeta yo a tloditšwego wa lebaka leo. Ka matšatšing a Noage, matšatšing a bohle ba bona, ge A dirile ditshepišo. Ga ke tshwenyege ke maemo a mohuta mang kereke e tsenego ka go wona, ka mehla O dira seo, O romela monna a tloditšwe. Ka gore Lentšu la Morena le tla go baporofeta. Gomme mo o eme kua, moporofeta yo mongwe le yo mongwe, gomme a ahlolwa ke mekgatlo ya letšatši leo, eupša o eme Lentšung le go dira Lentšu le phele.

129 Jesu o be a le botlalo bja Lentšu la Modimo, ka gore O be a le botlalo bja Modimo mmeleng, gomme ka go Yena go dutše botlalo bja Modimo. Modimo o dutše ka go Jesu Kriste. Modimo o be a le ka go Kriste a boelanya lefase go Yenamong. E sego Mojuda goba Montle, eupša Modimo! Fale O be a eme, a dira Seyena. E lekanela bjang! Gomme Madi a Modimo Mong a ile a swanela go tšhologela mobung, go tloga go madi a go se be le molato a Abele pela fase, go re lopolla. Ga se a ke a tšea bophelo bja Gagwe mong, Ga se a ke a swara bophelo bja Gagwe mong; O rile, “Tate, a go a kgonega komiki ye e ka feta go tloga go Nna? Eupša, le ge go le bjalo, e sego thato ya Ka, ya Gago e dirwe.” O ineetše ka go Lentšu.

130 Lehono re ka kgona go dira selo sa go swana. O ka kgona go tšea dithutotumelo tša gago, wa tšea *mang-le-mang* ya gago, le go ya kae kapa kae o nyakago le yona; eupša o ka kgona gore, “E sego thato ya ka, eupša ya Gago e dirwe.” Etna morago go Lentšu lela la Modimo. Tšea magadigadi a gago le Krisemose gomme o dire se o nyakago go se dira ka yona. Eupša mphe Jesu Kriste ka pelong ya ka, ga go kgathale ka fao Le kokobetšego, le ka fao batho ba Le segago, goba eng sa Lona. Hlokomela—hlokomela tlhago ya yona, bona ge eba e dira feela go swana le ka mo A dirilego. Ge e se ya dira, gomme e sa bapele le Lentšu le, e tlogele e nnoši, ga se Kriste; ka gore Kriste ke Lentšu.

131 Bjale re hwetša ka fao e bego e lekana, Leswika la rena, le le iteilwego, Bophelo bja Madi a Gagwe bo tšhologetše godimo ga mobu, moneelo wa sebe wa modiradibe. Bethlehem ya rena, Meetse, Borotho le Bophelo, a neetšwe go hlwekiša rena badiradibe ba go se hlweke.

132 Oo, mogwera wa ka modiradibe, o ka kgona bjang go gana, ka bošilo bjalo, moneelo o mobjalo, ge Modimo a file Morwa motswalwanoši wa Gagwe, moneelo wa sebe, gore mang le mang a dumelago ka go Yena, ka go Yena, a ka se ke a senyega eupša a be le Bophelo bjo Bosafelego? O tsena bjang ka go Yena? Ka Moya o motee bohle re kolobeletšwa ka go Bethlehem o motee, Lentšu la Modimo, e lego Kriste a dirwa go bonala go lebaka le.

133 Gomme tshepišo ye nngwe le ye nngwe ye Beibele e e fago ya lebaka le, O letetše moporofeta yo mongwe go tsoga lefelong la tiragalo go bonagatša yeo, O e tshepišitše go ya ka Maliaki 4. E tla dirwa. Ga go kgathale ka fao batho ba naganago ka bošilo, e tla dirwa go le bjalo! Modimo o boletše bjalo! O a kgona go matlapa a! Dithutotumelo tša rena di ka se e amogele, ge dikereke tša rena di ka se e amogele, Modimo a ka kgona go ya morago ka setaleng, A ka kgona go ya kae kapa kae A nyakago. Eupša fao go tla ba yo mongwe a emelago godimo ka gore Lentšu le boleletše letšatši le. Se sengwe se swanetše go Le bonagatša. E ka se be sehlopha, ebile, ga se gwa ke gwa ba.

¹³⁴ O barwa, bahlabani, ge ke tswalelela. Ga ke nyake go le swarelela mo botelelele kudu. Ke ya go tswalelela thwi bjale, Morena ge a rata. Metsotso ye mehlano go fihla go lesometee, goba metsotso ye tshela, a ke re. Elang hloko, O barwa ba mohlabani, wena monna fa yo a tleimago go ba morwa! A o be o tseba se Dafida a bego a se emetše? Dafida o be a emetše Kriste, O be a le, Kriste o be a le Morwa wa Dafida. Bjale theetšang, ka go tswalelela. Bahlabani bale ba Bantle, bontši bja bona, elang hloko ba tlile go tšwa mogohle, eupša ba tsebile gore moneneri yola o be a tloditšwe. Ba tsebile Dafida o be a gannwe ke batho ba gagwe mong, eupša ba tsebile tlotšo e be e le godimo ga gagwe. Ba be ba kgona go e bona. Kafao ba eme thwi kgauswi le lehlakore la gagwe, go hwa goba go phela! Ba be ba le banna ba bagale, go sa kgathale ke gakaakang lefase la ka ntle le bogo le sa e dumele.

¹³⁵ Batho ba gagwe mong ba mo ragetše ntle. Ba be ba sa nyake selo go dira le yena. Soulo o mo leleketše ntle, hlogo ya kereke ya leina e mo ragetše ntle, le go se be le selo go dira ka yona, khantshele e mo ragetše ntle, gomme a ba moneneri. Ba ile ba swanelwa ke go ya kae kapa kae a bego a kgona. Šole o be a le godimo ka dithabeng, eupša fao go be go le sehlopha se sennyane sa banna, ba Bantle le go ya pele, se dirilwe godimo, bao ba lebeletšego monna yola gomme ba tsebile o be a le kgoši ye e tlogo.

¹³⁶ Kafao ke yona lehono ka mašole a bagale a kgonthe a tumelo ya Lentšu lela, bao ba tsebago gore Lentšu lela le a tshepiša gore Jesu Kriste o tla boa. Ga re na le kgahlego ka dimilione tša ditolaro tša se le dimilione tša ditolaro tša *sela*. Ke na le kgahlego ka go go bowa ga Kriste Jesu. O barwa ba mohlabani wa Modimo, taba ke eng ka lena, le ema bjang lehono? Ge Beibele e bolelela pele gore Yena ke moneneri lehono, o ntšheditšwe ntle ga kereke ya Gagwe, o ntšheditšwe ntle ga mekgatlo. Gomme le a e tseba. Ga go bohlokwa bja go khuta o e dikologa, ke therešo. Beibele e boletše gore go tla ba ka tsela yeo. Tšwelang ka ntle ga wona maswao a sebata!

¹³⁷ Lebelelang banna ba! Ba gogile ditšhoša tša bona. E be e le eng? Kganyogo ya gagwe e be e le go nwa meetse a botšididi. Dafida! A seswantšho sa lehono, Dafida wa rena, Kriste, re a tseba O bitšwa mopshikologi mokgethwa, Yena ke molelekelwa kgole lehlakoreng letee, lehlanya ka go se sengwe le se sengwe, o gannwe ke dikereke. Ba na le dithutotumelo tša bona le dilo di thadilwe ka go Krisemose ye go swana le ge ba dirile ka go ya pele. Re tseba seo, eupša re a tseba gore Lentšu le ka mehla le dula le le therešo, gomme Le swanetše go phathagatšwa. Gomme kganyogo ya Kriste ke go banna, bahlabani, go emelelela! Amene!

¹³⁸ Oo, etlang, emang le nna, ka lehlakoreng la ka. Ke eme ka lefelong la go befa. Ke a hlohla lehono! Ditheipi tše di ya godimo lefaseng. Ke hlohla monna yo mongwe, mohlabani yo mongwe

yo a ratago Jesu Kriste, yo a tsebago gore dilo tše di swanetše go phethagatšwa lehono, baena, etlang emang lehlakoreng la ka gomme le goge Lentšu la Modimo. Lebalang didibana tšeo tša go gopa le magakwa a dikereke tša maina le phelago ka go tšona. Gogang Lentšu le lenana la Modimo, a re feng Jesu seno se sebotse sa Meetse a manana a pentecostal! Yeo ke kganyogo ya Gagwe lehono, morago go pentecost ya setlogo, morago go Lentšu! Go porofitilwe re tla dira bjalo, ka go Maleaki tema ya 4, “Go bušeditše Tumelo ya bana morago go botate gape.” Ke mang a ka emago mosong wo?

¹³⁹ Go swana le Dafida, re a tseba gore Dafida o tla ka maatleng. Jesu Kriste o ya go tšea lefase. O ba mojabohwa wa lefase, O ya go ba Kgoši godimo ga lefase. O a ganwa lehono, Yena ke moneneri magareng ga batho ba Gagwe. Ka nnete, Yena ke moneneri go lefase, ka mehla o bile. Eupša lehono Yena ke moneneri go kereke ya Gagwe mong, ba a Mo gana, ba rata dithutotumelo tša bona le bahlomphegi ba bagolo sebakeng sa Lentšu. Ba ka se Mo dumele go bonagatšwa. Ba ka se Mo dumelele go rerwa ka maatleng a Gagwe. Ba ripile go tloga go Wona, go no swana le ge Beibele e boletše gore ba tla dira ka go Kutollo 17. Ba dira eng? Ba ya godimo mo lehono, gomme bohle ba ya ka go Khantshele ye ya Dikereke. Bokatoliki le Boprotstanta bo kopana mmogo, go dira leswao le seswantšho sa sebata. Gomme Maprotstanta ba wela thwi go yona, Mapentecostal mogohle. Bahlomphegi ba ya ka go Roma, go tšwa Pentecost, le go bowa morago, ba re, “Lefelo la semoya kudukudu!” Gomme ka Texas le mogohle gape, ba bula godimo le go fa kwešišo ya diseteše le go ya pele, go tseba gore tšeo ke dithutotumelo di hlabetšwe ka go Lentšu.

¹⁴⁰ Oo, lena badudi ba Bethlehem! Haleluya! Ke bitša banna, bahlabani ba ba sa boifego. Ga ke tshwenyeye ge eba fao go makgoloseswai ba eme ka lehlakoreng le tee gomme dikete tše lesome ka go le lengwe, ke nyaka bahlabani ba ba tlogo le nna le go ripa lešoba go kgabola mothalo wo wa Bafilisita Khantshele ya Lefase ba go se dumele ba ba rakeletšego go dikologa Lentšu la Modimo, ba lekago go le dira dithutotumelo le go fepa batho. Fao go ne Sediba, fao go Mothopo o bulegile ka Ntlong ya Dafida, Bethlehem, go sebe le go se hlweke. Ngwanešu, sebe ke go se dumele ka go Lentšu la Gagwe!

¹⁴¹ Ke mang mohlabani yo a ka kgonago go bona Meliniamo o etla? Ke mohlabani ofe a ka kgonago go bona Moya wo Mokgethwa wo mogolo wo o etla ka sebopego sa Jesu Kriste, mmele wa kgonthe wa Kriste go tšea taolo gape, ema le nna. Ema kgauswi le nna! A re thubule lešoba go kgabola thutotumelo ye ya kereke ya leina. A re tsene ka kua! O llela seno se sebotse se senana sa Meetse a pentecostal, pentecost ya setlogo, e sego sehlopha sa go ya pele, go goelela, go goa, mo. Ke ra kolobetšo ya mmapaale ya Moya wo Mokgethwa ye e tšweletšago Bophelo bja Jesu Kriste morago go ya ka go motho.

¹⁴² Ntshwareleng ge ke le gobatša. Aowa, le se dire. Ke dira se Leineng la Morena Jesu. Etna morago! Ema, wena monna wa mogale yo a bonago Dafida a eme ka kua! Jesu Kriste, moneneri go tšwa go kereke ya Gagwe, o thibetšwe ntle ke dithutotumelo tša bona. Fale go Mthopo wo monana o lekeletše kua. Amene. Fao go maatla go dira Lentšu le go phela gape, a porofetilwe ka go letšatši le go tla go phethega. Modimo o rile le tla tla go phethega. Le swanetše go tla go phethega. O ka se tsoge wa le dira go sešole se o lego ka go sona bjale. O rakeletšwe ka bowena, Pentecost, thwi go dikologa le mekgatlo yohle, go le ripela ka go dithutotumelo.

¹⁴³ O banna ba Modimo, Tšhoša yela e kae? Morena wa rena o kganyoga seno se senana. Ga ke kgathale ge eba ke bophelo goba lehu, a re ripeng go kgabaganya selo se. Go thata go ema ka bowena. Ke bitša banna go ema kgauswi le nna, go ema le Lentšu! Se Lentšu lela le se bolelago, se dire feela ka tsela ye Lentšu le se boletšego. Ga ke tshwenyenge seo eng kapa eng gape e se bolelago, Le dule ka tsela yeo, ka gore Seo ke selo se nnoši se tlogo go ripa. A re yeng Bethlehem, Meetse a therešo a Modimo.

¹⁴⁴ “Ge monna dula ka go Nna, le Nna ka go yena, ge le dula ka go Nna gomme Mantšu a Ka ka go lena.” Go dula, e sego go taboga go tloga lefelong go ya lefelong, le go fetola karata ya gago ya kopanelo go tloga go booneness go ya go botwonnese le bothreeness, le morago go Presbyterian, Lutheran. “Lena le dula ka go Nna,” gomme Yena ke Lentšu, “Mantšu a Ka a dula ka go lena! Le se ke la boifa makgoloseswai goba milione tše seswai. Ke tla ema ka thoko ga lena. Ke kganyoga go nwa go tšwa go Sediba sela gape.”

¹⁴⁵ Modimo o ya go ba le batho ba tla nwago go tšwa go Sediba sela! Haleluya! O ka no nagana gore ke a gafa, goba mohlomongwe ke a dira, gona ke gafa ka Jesu Kriste le Lentšu la Gagwe. Ge ke swanetše go bitšwa lešilo, a ke bitšwe lešilo la Lentšu la Gagwe. Ga se ka ke ka ba kgahlanong le banna ka go yona mekgatlo. Ke kgahlanong le tshepedišo yela e thibelago Lentšu la Modimo ntle. A re ripeng, bahlabani. Emang kgauswi le rena. A re yeng ka Sedibeng sela. Yena ke Bethlehem ya rena.

¹⁴⁶ Didibana tše tša kgale, Khantshela ya Dikereke tša Lefase ye e kगतlofatšago bjale. A re bušetšeng Lentšu la Modimo le lenana, e sego kereke ya leina. A re se ke ra tšea thutotumelo, tšeo ke didibana tša kgale tša magakwa tšeo di welego mengwaga ye masomenne ya go feta, mengwaga ye masomapedi ya go feta, mengwaga ye masometharo ya go feta, goba e ka ba ngwaga wa go feta. Ke nyaka Lentšu la Modimo le le tshepišitšwego letšatši le. Seo ke seno se A nyakago ke eba le sona, Lentšu le lehono! Ke Bethlehem o monnyane, le gannwe.

¹⁴⁷ Ke, ke a tseba, go no swana le, o a nagana. “Gabotse, ge ya ka...” Ee, yeo ke nnete, ba naganne O be a swanetše

go tswalelwa ka Jerusalema. Ba naganne O be a swanetše go tswalelwa mo dihlogo tša kereke ya bona ya leina di bego di le. Eupša O rakilwe ke tšohle tšeo. O tllile go leina Bethlehem, ka gore seo ke se A bego a le sona. Haleluya! Ga a tlele Momethodist, Mobaptist, Mopresbyterian goba Mapentecostal. O tlela Monyalwa, Jesu Kriste. Ke yo A mo tlelago. E ka no bonala go se tsebalege go wena, eupša Le dumele!

¹⁴⁸ Le a bona, diswantšho tše, di ka kgona go tla e sego ka ye nngwe tsela eupša Lentšu. Leo ke lefelo le nnoši A bego a ka kgona go tswalelwa, ke go Bethlehem yela. Ke ka baka leo e ilego ya swanela go ba lefelo le lennyane lela la go kokobela. Ke ka tsela ye e swanetšego go ba mosong wo, e swanetše go ba tsela ye e swanago ka Lentšu la tshepišo. Ee, mohlomphegi. Khantshele ye Dikereke tša Bafilisita bjale e a kगतlofatša, e rakelela mogohle go dikologa Bethlehem ya rena. Go dikologa Krisemose ye, ba rakeletše go dikologa kua, mogohle, yohle e kgabišitšwe ka magadigadi a lefase. “Oo, re tla tliša khutšo ya lefase.” Mopapa Luther, John, goba e ka ba eng e lego leina la kgawe, o tla tla mmogo, le bohle bapišopo ba bagolo ba kereke, Khantshele ya Kereke ya go Kopana le Khantshele ya Lefase tšohle di tla mmogo. Babedi ba ka sepela bjang mmogo ntle le ge ba dumelelana? Amene!

¹⁴⁹ Go yo Motee feela o ka kgonago go sepela le yena, yoo ke Jesu Kriste. O—o ka kgona bjang go sepela le Yena? Ge o dumelelana le se Yena A lego sona, Lentšu! O se ke wa dumelela leo go go tlogela.

¹⁵⁰ Ga ke tshwenyega ka gore ba na le magadigadi a makae, “O swanetše go dira se goba ba be ba eya go tswalela godimo kereke ya gago o nago nayo.” Ga ke tshwenyega ka se ba se tswalaelago godimo, gomme ga se ne selo go dira le Lentšu. Ee, mohlomphegi. O ya kae? Feela tlwa se Lentšu le boletšego gore o be o se dira, go ya thwi morago, tšohle di apere ka magadigadi a lefase, le wohle mohuta wa ditshepišo tša lefase, eupša e kgole go tloga go Lentšu dimaele tše milione. Šeo lehono, Krisemose gape, go re swara go tloga go tshepišo ya Lentšu. Eupša Le tla phethagatšwa. Modimo o a kgona go tsošetša Abraham bana go tšwa go matlapa a. Aha, go leka go thibela ba kgonthe, badudi ba therešo ba Bethlehem kgole go tloga go Bophelo bjo Bosafelego, woo ke morero wa bona.

¹⁵¹ Phagamang, lena barwa le bahlabani, a re ripeleng morago go Bethlehem ya rena ya setlogo! Elelwang ge Dafida a etla teroneng ya gagwe. Banna ba eme kgauswi le yena ka gore o tsebile, ba tsebile o be a etla teroneng. Ba tsebile gore Dafida o be a eya go ba teroneng, go sa kgathale gore o gannwe ntle gakaakang. E be e le moneneri yo mobemobe ka nageng. Gomme bjalo ke Lentšu la Modimo la therešo, mosong wo, Ke le šele go mekgatlo. Lebelelang se ba se dirilego. Se le laetša thwi pele ga lena.

152 Batho ba leka gore, “Ngwanešu Branham, o kokota kereke.” Ke kokota tšona ditshepedišo. Kereke ke Jesu Kriste, e sego tshepedišo.

153 Gomme lehono, lebelelang se ba se dirilego, lebelelang se ba se dirago. Gomme le kgona go bona se ba se dirago, ba leka go thiba batho go tloga go Leo. Ba rakeletše go feta le go feta go dikologa Sediba sela, go ba le nnete gore ga go yo a nwago go tšwa go Sona. Eupša, O bahlabani ba Modimo, ke a dumela gore Jesu Kriste o tla tla letšatši le lengwe ka letagong, ke a dumela O tla tla gomme a dula godimo ga Terone ya Tate wa Gagwe Dafida. Le ge A le moneneri, Lentšu la Gagwe mosong wo, le gannwe ke batho ba Gagwe Mong bjalo ka ge Dafida a bile, mekgatlo a raketše ntle Lentšu la Gagwe, ba raketše ntle, ge Modimo a etla gomme a hlatsela Lentšu la Gagwe la go hlweka. Le se ke la mpotša! Lebaka la mengwaga, go kgabaganya naga, gomme ba ya kgolekgole, go tloga go Lona nako yohle.

154 Ke boletše letšatši le lengwe, ka Jacqueline Kennedy, ke makga a makae ke le sotšego lena basadi ka go ripa moriri wa lena, go apara meikapo, lena basadi ba Pentecostal le ripago moriri wa lena, woo Modimo a rile ke wena o—o—o itira ka bowena se—se seotswa sa mokgotha ge o e dira. Gomme, go ya ka Modimo, monna wa gago ga a ne tokelo go dula le wena botelele hjo bo itšego. Mosadi yo a ripago moriri wa gagwe, o hlompholla hlogo ya gagwe, e lego monna wa gagwe. Seo ke tlwa. Ke reng ka yona? Gomme le mpitša ntle ka yona, ke hwetša mangwalo, “Mokerenko wa kgale.” Go lokile, ba biditše Eliya selo sa go swana. Ba biditše Lentšu le lengwe le le lengwe la Modimo, nako le nako Lentšu le a dirwa, ba Le bitša.

155 Yo mongwe o rile letšatši le lengwe, “Gobaneng, re go dumela go ba moporofeta.”

156 Ga se ka ke ka bolela seo, ga ke bolele. Ga ke moporofeta, ke no ba mohlanka wa Modimo mo go leka go le botša Therešo. Seo ke phetho. A ke le botšeng, Lentšu la Modimo le emela seo! O rile, “Barwedi ba Sione, lekala le le phonyokgilego ka letšatšing lela la tshenyego ya lona, le tla ba letago ka mahlong a Morena.” Ripang go kgabola, basadi, le na le lefelo la lena go kgabola, Hollywood ya sefefase le dipontšho tša diswantšho, le tšohle dilo tše tša thelebišene le lekago go di ekiša, go ikapeša ka bowena wa thobalano ntle mokgotheng.

157 Gomme yo mongwe o rile, “Gobaneng, batho ba nyaka o ba ruta mokgwa wa go amogela Moya wo Mokgethwa le mokgwa wa go hwetša . . .”

158 O bolela gore o na le Moya wo Mokgethwa, gomme ka gona o gana Lentšu? Bophelo bja gago mong bo hlatsela gore ga o Nawo. Le a bona? Bjale, ga ka befelwa, ke no le botša se e lego Therešo. Lebelela bowena gomme o hwetše ntle. Paulo o rile, “Ge

morongwa go tšwa Legodimong a rutile ye nngwe gape, a a be morogiwa,” Bagalata 1:8. Yeo ke nnete.

159 Go ka reng ge nka be Jacqueline Kennedy . . . O beetše basadi mogato ka mekoto ya moriri yohle le ya hlogomeetse le dilo tše ba nago natšo, tšohle diroko tše tša thobalano, le go swana le diroko tša bomme le dilo. Mosadi yo mongwe le yo mongwe ka nageng o nyaka go di apara, lena Mapentecostal, le lena. Lebelelang, Jacqueline Kennedy ga se a ke a kwa Molaetša wa go swana le wo. Ge nka be a ile a O kwa, a ka be a sokologile botelele bja go feta. Eupša lena basadi ba Pentecostal le a O kwa, letšatši ka gare le letšatši ka ntle, le ngwaga ka gare le ngwaga ka ntle, gomme go le bjalo ga le dire selo ka wona! Haleluya! Modimo o ya go lapa le lengwe le matšatši a! Modimo o tla lapa. Gabotse, ke a tseba le nagana gore ke a gafa. Eyang pele, tšohle di lokile. Ba gopotše seo gohle go theoga go kgabola mabaka ge Lentšu . . . Le a bona?

160 O bahlabani, gogang Tšhoša yeo, a re emeleng se sengwe le se sengwe Tšhoša yeo e se emelago! A re fihleng go Sediba sela mo go lego Mothopo wo o tladišwego ka Madi, a a ntšhitšwego go tšwa ditšhikeng tša Imanuele. E sego Mojuda. Ditšhikeng tša Imanuele, Modimo o na le rena, moo badiradibe ba phonkgelago ka fase ga lefula ba tlogwa ke patso yohle ya molato wa bona.

161 “Gomme go tla tla Mmuši pele go tšwa Bethlehem yo a tla bušago godimo ga batho ba Ka.” Moya wo Mokgethwa lehono o buša godimo ga batho, gomme Moya wo Mokgethwa ke Lentšu. A ke nnete? Bjale, go tswalelang, ka tlhomphokgolo. O buša batho. Ga go tshwenyege se o se naganago; o sepela le Lentšu. Ge o sa dire, Moya wo Mokgethwa ga o fao; o rwala rekoto ya bopaki bja gago mong, ga go kgathale seo o se bolelago. O ka kgona go tabogela godimo le fase, wa bolela ka maleme, le go kitima mogohle godimo ga lebatso, o sa na le moriri wa go kotwa le go dira dilo tše o di dirago; bo paka kgahlanong le wena, gore ga se bjalo.

162 Badudi ba Bethlehem, Modimo a le šegofatše, a re yeng go kgabola! Kriste o nyaka Kereke ya kgonthe. O nyaka Monyalwa. A re ripeng ditsela tša rena go kgabola. Re tšwele ntle ga mo, re iše dithutotumelo tše kgole, gore banwi ba kgonthe ba ka tla morago le go hwetša go nwa ga a kgonthe, a botšididi Meetse a pentecostal ao gatee a kilego a ela go tšwa go Sediba se segolo se. A sa ela. A o ka se tle lehono wa dumela ao ka pelo ya gago yohle, ge re inamiša dihlogo tša rena feela nakwana.

163 Ke na le dilo tše ntši mo ke swanetšego go bolela ka tšona. Nako e ka se e dumelele, ke iri ya lesometee bjale. Ke a makala ke bahlabani ba bakae ka mo, lena badiredi, Methodist, Baptist, Presbyterian, moprista wa Katoliki, eng kapa eng o ka bago yona, a o kgodišegile? Ke a tseba ga ke monna wa moruti. Nka no ba ke etšwa ka lešokeng, ka se sa go remelwa godimo, sela le

se *sengwe*, eupša Le ke Lentšu. Gomme o Le dumela le bjalo, gomme o a dumela Ke Lentšu, leo ke Bethlehem. Jesu o rile, “Motho a ka se phele ka borotho bo nnoši; Lentšu le lengwe le le lengwe le tšwago molomong wa Modimo.” Gomme Lentšu le fa, Beibele. Motho o tla phela ka Leo, gomme Yena ke Lentšu leo.

¹⁶⁴ O mohlalani, a o ka goga Tšhoša ya Modimo gomme wa re, “Ke feditše ka ditšo tše, ke tla morago go Lentšu, ke tla morago go Therešo?” Basadi, banna! Basadi, a ga le lewe ke hlong ka bolena, ka tsela ye le bego le dira? A le a rata mosong wo, ka Krisemose ye, go tla morago le go bonagatša Jesu Kriste wa kgonthe?

¹⁶⁵ Bjale ke dihlogo tša lena di inamišitšwe le leihlo le lengwe le le lengwe le tswaletšwe, a o ka phagamiša seatla sa gago, wa re, “Rapela, Ngwanešu Branham. Ke therešo ke nyaka go dira seo ka pelong ya ka. Ke nna, ke a le dumela?” Modimo a go šegofatše. Nna, badiredi, basadi, mogohle!

¹⁶⁶ Ka Bethlehem, Bethlehem, lefelo la Borotho le Meetse a Modimo, Kriste Bethlehem ya rena ya letago. Re tsena bjang ka go Yena? Bakorinthe Bapele 15, “Ka Moya o tee bohle re kolobeletšwa ka Mmeleng wa sephiri wa Jesu Kriste.”

¹⁶⁷ Re ja go Lentšu la Gagwe, e sego se sengwe gape, Dijo tša dinku di nnoši! Lentšu lela! E sego se sengwe gape. O ka se kgone go bea thutotumelo ka go Lona, re ka se e theetše. Aowa, mohlomphegi. O ya gore, “Gobaneng, e ka tsela ye.” Ge Beibele e re e ka Tsela ye, Ye ke tsela ye re Le nyakago. Ga re Le nyake le fafaditšwe godimo. Re Le nyaka feela ka tsela ye Le lego.

¹⁶⁸ O Modimo, Tate wa rena, lehono go ne dipelo tše di swerwego ke tlala di sa tlogetšwe lefaseng. Gobaneng Bethlehem o monnyane. Ka tsela ya ka ya go diila ya go se rutege, Morena, ke lekile go dira sehlopha se sennyane se . . . seo se nthatago, ke a tseba ba a dira, Morena. Gomme ke a ba rata. Gomme ke ba rata kudu go fihla, Morena, ke—ke fišega ka bona. Ga ke nyake go ba bona ba hlakhlakane godimo ka go dilo tše kgolo tše, gomme ba ripša go tloga mola e le thari kudu, gomme le go bona tšona disoulo tša go šokiša godimo ka kgolegong, le go tseba ga tee ba bile le sebakabotse.

¹⁶⁹ Morena Modimo, lehono, ga go kgathale gore Jerusalema e kgolo e nagana eng, le gore Bagileada le Ramothe Gileada le eng go fitiša, ba Silo, le mafelo a magolo a go rapela, kae kapa kae e lego wona. Fao go Bethlehem. “A ga o yo monnyennyane magareng ga bona bohle? Eupša go tšwa go wena!” Go tšwa go Methodist, Baptist, Presbyterian; Katoliki, mošate wo mogolo; le ba Ramothe Gileada, moo Luther a lwelego; le—le ba—ba Silo, moo mohlomongwe Wesley a lwelego; le—le mafelo a mangwe a mantši. Eupša, Morena, Morena, O tsošeditše sehlopha sa Pentecostal godimo, gomme ge ba se ba retologa thwi go dikologa le go dira selo sa go swana!

170 Jesu wa Natsaretha, ke rapela Wena, Morena, go dira bahlabani, go tšwa go ye nngwe le ye nngwe ya dithutotumelo morago kua, go tsoga Leineng la Gago, go ripa go kgabola tšohle dithutotumelo tše le go tla morago go la therešo, Lentšu la go se otswafatšwe, ba beele ka thoko boima bjo bongwe le bjo bongwe bo ba nyamišago ga bonolo, ba beele thoko iri ye nngwe le ye nngwe yeo ba lego ntle mo ka bošilo ba lahla go dikologa ba leka go dira maloko a mokgatlo. Morena Modimo, ba dire go tla morago go tliša basokologi go Jesu Kriste; e sego go tagafatša mokgatlo wo o itšego goba motho yo a itšego, eupša Jesu Kriste, Yena a nnoši.

171 E be e le Dafida banna bao ba bego ba mo lwela. E be ele Dafida ba beilego bophelo bja bona kotsing bakeng sa gagwe. Gomme bona bahlabani ba bagolo ba maatla, ntle le poifo, ba sepetše tsela ya bona go kgabolela kua, ka gore e be e le kganyogo ya gagwe. E be e le kganyogo ya gagwe go ba le seno go tšwa sedibeng sela.

172 Morena Modimo, mohlomongwe ga re ikwele seo, feela kgwatho yela, eupša, lebelelang, ke kganyogo ya Gago gore dilo tše di dirwe. Bjalo ka ge O rile go Johane, “Kafao go re swanetše, goba go a swanela, gore re phethagatše toko yohle.”

173 Go a re swanela, bjalo ka badiredi lehono, go bona gore Lentšu le le a rerwa, go bona gore e a dirwa. Go a re swanela, monna wa iri ye re phelago ka go yona. Banna ba bagolo ka lefaseng lehono, O Modimo, ba ntle kua, ba dire ba e bone gomme ba ubule Tšhoša! Ga go kgathale kganetšo ke eng, ge Modimo a na le wena, ke mang a ka emago kgahlanong le wena? Ga re tshwenyegwe, go tsenya bophelo bja rena bja leago kotsing. Ga re tshwenyegwe, go tsenya *se, seo*, goba se *sengwe* kotsing. Re nyaka go hwetša Meetse a Bophelo morago!

174 A re yeng Bathlehem, Morena, dira yo mongwe le yo mongwe wa bona. A nke basadi ba bohle, bao, ka nnete, ge ba beile seatla sa bona godimo, ba be le dihlong ka bobona. Ba dire ba lemoge gore banna ba ba tla ba bjalo ka Mna. Kennedy le lengwe la matsatši a. Ba tla—ba tla ba bjalo ka banna bohle, ba swanetše go hwa. Basadi ba ba a hwa. Ke a hwa. Rena bohle re a swa mo lefaseng, gomme re a tseba yeo e no ba nako ya seripana, re na le feela matsatši a se makae a šetšego. Gomme, Modimo, go na le go leka go aga ditshepedišo tše kgolo, Morena, dira banna le basadi ba bone mosong ke go tla ga Kgoši.

175 O Modimo, go tla ga Kgoši ye kgolo yela, Jesu! Gomme ke . . . Gomme re a lemoga, Modimo, gore yo mongwe le yo mongwe wa banna bale a gogilego tšhoša yela gomme a lwela Dafida ge a be a le moneneri, ge a etla ka maatleng, o ba dirile babuši godimo ga ditoropokgolo. Yo mongwe le yo mongwe wa bona o bile le ditoropokgolo. Gomme O tshepišitše seo ka Beibeleng, gore re tla ba le ditoropokgolo. O Modimo, bjalo ka Bantle, ba bile

bajabohwa ka Bantle, gore re be batšeakarolo ba bokgethwa bja Gagwe le toko ya Gagwe! Re dire lehono, Morena, bjalo ka banna bahlabani, re tšee Lentšu lela, re tseba gore, bao ba Mo emelago ka iring ye, e tla ba babuši godimo ga ditoropokgolo. E sego bjalo ka ge re nyaka go ba babuši, eupša re nyaka go ba bahlanka go Wena, Morena. O Modimo, re bona pono ya ba bannyane ba ba sego nene, sehlopha se sennyane se, se se bitšwago “bohlanya” ka go. . . Paulo o rile ka go letšatši la gagwe, “Ka go tsela ye e bitšwago ‘botsenwa,’” bogafa. Fao ke mo ke nyakago go lwa, Morena. Lentšu la Gago ke Therešo! Gomme Wena o Lentšu, go swana maabane, lehono, le go ya go ile.

¹⁷⁶ O Modimo, re tlotše ka Lentšu la Gago, gomme tliša Lentšu la Gago le tshepišeditšwego letšatši le go phethagala. A nke re tlogele moago wo mosong bjalo ka didirišwa tša kganya tša Modimo. A nke re ye le Tšhoša, E pekenya ka moyeng, go ripa go tloša boima bjo bongwe le bjo bongwe le se sengwe le se sengwe gape, go fihla re ka kgona go tliša batho morago go Kriste, le go tliša seno se senana sa botšididi go Morena wa rena, sebakeng sa dithutotumelo tšohle tše tša kgale tša magakwa. Dira batho go nwa go tšwa Mothopong, wa kgonthe, wa botšididi wa go lapološa tšhegofatšo ya pentecostal, gore e šegofatše pelo ya Gagwe le go Mo tliša morago magareng ga rena gape. E fe, Morena. Ka go la Jesu Leina, ke a rapela.

¹⁷⁷ Ge re sa ne dihlogo tša rena di inamišitšwe, ge mmopalapiano goba mmapalaokene, goba eng e ka bago, a ka ya go okene, piano, ke re nyaka ka go homola re opele ye, “Go ne mothopo o tladitšwe ka madi, a ntšhitšwe go tšwa ditšhikeng tša Imanuele; ge badiradibe ba phonkgetše ka tlase ga lefula. . .” Modiradibe, modiradibe ke eng? Mosedumele. “Basedumele ba phonkgetše.” Go se dumele ka go eng? Lentšu. Oo, Bajuda bao ba be ba sa nyake go dumela gore ba be ba le basedumele, ba be ba gopola gore ba phološitšwe, eupša Modimo o tsebile ba be ba hloka Mophološi. Ba be ba rapelela mohlabani, Modimo o ba fa Lesea, Mophološi. O be a tseba se ba bego ba se hloka. Yeo ke Mpho ya bona ya Krisemose. Seo ke se o se hlokago lehono, seo ke se ke se hlokago lehono, Mophološi wa go se dumele ga ka, Mophološi go tšwa go go se dumele ga gago. Ge re opela, a re nong go rapela ka yona bjale ka dipelong tša rena. E nong go rapela ka tlhokofalo, ka kgopelo, kereke.

Go ne mothopo o tladitšwe ka madi,
 A ntšhitšwe go tšwa tšhikeng ya Imanuele,
 Gomme badiradibe (basedumele) ba
 phonkgetše (e sego leloko la kereke, bjale)
 ka tlase ga. . . (fao ke mo maloko a kereke a
 phonkgelago)
 Ba tlogwa ke patso yohle ya molato.
 Ba tlogwa ke patso yohle ya molato,

Ba tlogwa ke patso yohle ya molato;
Gomme modiradibe . . .

178 Morena Jesu, ke a rapela bjale gore O tla re amogela. Ke ipea ka bonna thwi mo le sehlopha se, Morena. Tšea gohle go se dumele ga ka, Morena, go ya kgole go tloga go nna. A ke hwe, Morena, bjalo ka Simisone a llile, e re ke hwe le Bafilisita ba. Lesa ke dire eng kapa eng e ka bago yona go nna go e dira, eupša, Modimo, hlwekiša soulo ya ka. Tšea go tloša go kamaka gohle. Ge go ka ba eng kapa eng ka go Lentšu le ke sa se dumelego, Morena, gomme ge—ge go se se sengwe mo se O se tshepišitšego, seo ke sa kgonego go bona bophelo bja ka mong bo hlatsela Lentšu lela la letšatši le, bona, Morena, ntshwarele. Ntshwarele, Morena.

179 Mphe tlhohleletšo. O Morena, ke hloka tlhohleletšo go ripa fase selo se, go ripa leboto le, ka gore ke a tseba ke kganyogo ya Gago. O e boletše, e swanetše go ba ka go letšatši le, “Bjalo ka ge go bile ka matšatšing a Sodoma, kafao go tla ba bjalo ka go tlang ga Morwa wa motho.” Re bona mosepelo wo wa mafelelo, leswao la mafelelo le filwe go kereke. Leo e bile leswao la mafelelo la peu ya Abraham ya tlhago e le bonego pele mollo o tšhuma lefase la Bantle. Gomme bjalo ke leswao la mafelelo le Peu ya Gagwe ya bogoši e tla le bonago pele mollo o tšhuma godimo lefase la Bantle. Wena . . . Morena, a nke ba bone gore e no ba tlwa lebaka leo Jesu a ilego a swanela go tswalelwa ka Bethlehem. Ke Lentšu la Gago. Ke tshepišo ya Gago. Ba šegofatše bjale, Tate. Ke ba neela go Wena, bjalo ka mefapahlogo. Gomme a nke rena, mmogo, Morena, re goge Lentšu lehono, gomme re matšhetše pele ka go la Jesu Leina. Amene.

180 Modimo a le šegofatše. A le rata Morena Jesu? A le a dumela yeo ke Therešo? Phagamišetšang diatla tša lena godimo ge le dumela gore ke Therešo. Ke a le leboga, bagwera. Lebelelang, ke . . . ke a thanka theipi e timile. Le a bona, ka go bolela mo, ga ke bolele feela go lena. Theipi yela e ya go dikologa lefase, gomme banna le basadi go dikologa lefase ba kwa Leo. Re ya go setšhaba ka morago ga setšhaba ka morago ga setšhaba, ba no, ba dutše kua le ditšhupu tše nnyane ka ditsebeng tša bona gomme—gomme go bolela Leo thwi ntle go makgolo le makgolo a batho go dikologa lefase.

181 Gomme tsebang, ga se . . . Bjale, lena basadi, ga ke nyake go gobatša maikutlo a lena ge ke le botša tšona dilo. Eupša ge modiša wa gago a sa go botše Leo, go na le se sengwe se fošetše ka yena. Ga a ne—ga a ne sebetse go e dira. O ikuta ka morago ga mokgatlo. Goba o swana le Lota, a dutše fase, pele mollo o ewa, o—o be a no se be le sa kgonthe—sa kgonthe selo se se tšeago go ema ntle kua. O . . . Beibele e boletše gore, “Dibe tša Sodoma di be di tlaiša soulo ya gagwe ya go loka tšatši ka tšatši.” Soulo ya gagwe e be e tseba bokaonekaone, eupša o be a se ne selo sa kgonthe se se tšeago go ema ntle kua le go se ahlola. Gomme modiša yo a ka se botšego mosadi gore ke pošo go ripa moriri

wa gagwe, go na le se sengwe sa go fošagala ka monna yoo, le go apara diaparo tše.

¹⁸² Gomme lena banna, lena banna le tla dumelelago basadi ba lena go dira dilo tše bjalo ka tseo, molato ke eng ka lena? Molato ke eng ka lena? O eteletše mosadi wa gago pele go dikologa go kgabola toropo bjalo ka mmalegogwana wa phatlalatša, gomme ka gona o phasola monna ka molomong ge a ka mo roga. Ke wena o hlokago go phasolwa ka molomong. Yeo ke nnete, gomme Modimo o tla e dira letšatši le lengwe, le yena. Yeo ke nnete. Re hloka go boela morago go Lentšu le.

¹⁸³ E sego feela seo, seo e no ba se sennyane. Eupša o ya go hwetša bjang dilo tše kgolo ge o gana tše nnyane? O ka kgona bjang go ithuta algebra ge o sa tsebe ABC? Ga o kgone go bala go fihla ka lesome, o ya go tseba bjang mmetse wa gago? O swanetše go thoma go tloga fase. O leka go thoma ka ntlhoraneng, e tla fase mo gomme o thome gabotse.

¹⁸⁴ Ye ke nako ya go e dira, bjale, Krisemose. E be e le matswalo a Kriste, go dumelela Kriste go tswalwa ka go rena. Kriste ke eng? Kriste ke Lentšu. Ke ba bakae ba tsebago seo? “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.”

¹⁸⁵ Yo mongwe o rile letšatši le lengwe, o rile, “Ngwanešu Branham, wena, batho ba tseba gore o sehloyabasadi.” Ga ke sona. Ga ke sona. Ke na le lerato la mmapaale go dikgaetšedi tša ka. Banna ba bangwe ba tla retologa go dikologa, ba nagana gore o lebega botse ka mahlo a mahubedu le mahlo a matala, le moriri wa go kotwa, monna yoo o ne kgopolo ya go fapana go feta ye nka bago nayo. Ya gago . . . ke rata soulo yeo e lego ka go wena, yeo e swanetše go kopana le Modimo. Seo ke se ke . . . kgaetšedi wa ka bakeng sa Bokagosafeleng, e sego selo se sengwe se sennyane sa thobalano mo lefaseng se tla . . .


¹⁸⁶ Ke ba bakae ba kilego ba bala go fokola, ga go wa ga Roma? Nnete. Lebelelang kua, feela selo sa go swana re se dirago, taletšo ya thobalano. Baswa ka leemo le e lego, feela tlwa tsela ye re nago bjale, mathata a semorafo. Gomme baswa ba tšea taolo, gomme monna le thobalano. Feela ka tsela ye Mmušo wa Roma o welego, mengwaga ye makgolo a lesomeseswai ya go feta, gomme še thwi morago mo gape magareng ga Bantle. Le a bona? Kgakanego magareng ga mabodumedi le dilo. Oo, a iri ye re phelago ka go yona!

¹⁸⁷ [Kgaetšedi o fa molaetša. Lefelo la go se be le selo godimo ga theipi—Mor.] Amene. Morena Modimo o boletše. Ke dumela seo.

¹⁸⁸ Bjale a re emeleleng. Ge A bolela, ke nako ya rena go fa tlhomphokgolo. [Yo mongwe o bolela le Ngwanešu Branham—Mor.] O reng?

Ka mogau wa Modimo, le ka thušo ya Modimo, ke ikemišeditše kudu go feta ka fao ke bego ke le, go ema ka Lentšu

le le go leka bokaonekaone kudu bja ka, ka thušo ya Modimo, go ripa tsela tlase go ya Bethlehem gape, moo badudi ba Bathlehem ba ka kgonago go nwa go tšwa Mothopong wola. Ke ba bakae ba tla tšoenanago le nna, ka diatla tša lena godimo, e reng, “Ke tshepiša go Modimo ke tla e dira”? Modimo a le šegofatše.

¹⁸⁹ Bjale inamišang dihlogo tša lena nakwana feela, gomme ke a dumela ngwanešu yo mongwe mo, Ngwanešu Jeffries, o tla mo. O ya go šwalalanya batheeletši ge re sa inamiša dihlogo tša rena ka thapelo, ge le rata. Go lokile, ngwanešu. 

GOBANENG BETHLEHEM O MONNYANE NST63-1214
(Why Little Bethlehem)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mosong, Disemere 14, 1963, e le wa difihlolo tša Kopanelo ya Ditšhabatšhaba ya Banna ba Kgwebo ba Full Gospel ka Ramada Inn ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org